

GO A RE SWANELA GO

PHETHAGATŠA TOKO YOHLE

 Ka mehla ke monyetla go tla ntlong ya Morena. Ga se nke, bophelong bja ka, ka tsoge ka bona nako ye nngwe yeo ke itshotšego go tla ntlong ya Gagwe. Ke... Eupša ke a nagana mosong wo e ka ba nako ye thatathata nkilego ka tla. Ee, yeo ke nnete. Kafao, dilo di a direga ka bophelong, re tseba seo, tšeо re swanetšego go di lebanya. Gomme re swanetše go elelwa seo, gore se tla go bohle.

² Gomme re leboga kudu mosong wo, ke a dira, gomme ke a tseba banešu ba ka le kgaetšedi ba leboga Modimo kudu, go tseba gore mme wa rena o phološitšwe.

³ Gomme o tšofetše, gomme re be re letetše se nako ye nngwe, gobane ke mme wa ba bantši, gomme o gwahlafaditše bophelo bja gagwe. Ka matšatšing a mme wa ka, ba be ba se na le dilo tše ba nago natšo bjale, go hlokomela bomme ge ba bile le masea a bona. Mohlomongwe, mohlomong, mama a ka be a bile le yo mongwe wa bana mosong wola, le go tsoga le go dira go hlatswa ga gagwe morago ga sekgalela selo. Gomme kafao bjale ba robetše ka septele matšatši a mmalwa, ka mehuta yohle ya meriana, e lego. Re thabetše dilo tše bjalo tšeо di ka kgonago go thuša ba, bomme ba le bohle.

⁴ Yena o kudu, kgauswi kudu le lehu bjale. Gomme ke... [Ngwanešu Branham o a lla—Mor.] Go no ba—feela go thata gannyane mosong wo, eupša efela ke—ke tshepišitše go ba fa. Gomme ke...

⁵ Bjale, nka se kgone go bolela gore mme wa ka o a sepela. Ka mehla ke boletše se. Gomme bontši ke dihlatse, ka dipono. Ke rile, “Ge mme wa ka mong a be a robetše, a ehwa, gomme a lebeletše ka sefahlegong sa ka gomme a re, ‘Billy, go swanetše go diraga eng—eng ka nna?’” Ke rile, “Ntle le ge Modimo a ka mpotša, ke be nka se tsebe. Ke be nka—nka se kgone go bolela.” Gomme sona selo seo se tlide go phethega. Ge mme a eya, ka mnete O se bolokile sephiri go tloga go nna.

Pele tate wa ka a hlokofala, ke bone pono ya gagwe a eya.

⁶ Ge ke be ke sa le modiradibe, ke bone ngwanešu wa ka, wa mathomo, o be a eya.

⁷ Howard. Ke le boditše bohle, mengwaga ye mebedi goba ye meraro pele a eya, ka go sepela ga gagwe.

⁸ Eupša, mme, ga se A bolela lentšu go nna. Gomme ge a eya, ke se sengwe seo ke sa tsebego ka sona. Le ge, re bile... Ngaka o

boletše gore ga se a bona ka fao a phetšego go kgabola Lamorena la go feta. Gomme gabotse o fokotše kudu. Eupša, go le bjalo, ge ke be ke . . .

⁹ E ka ba kgwedi ya go feta, go swana le ge ke dirile go Mdi. Broy; ka mehla ke rata go hlola batho, go tseba gore ba kgauswi le bofelo, gore ke bone feela ka fao ba emego. Re swanetše go ba le kgontha ka se. Ga re nyake go no re, “Gabotse, mohlomong go lokile.” Re nyaka go ba phosithifi gore ke nnete.

¹⁰ Ke bile le polelo ye botse ye telele mosong wo mongwe le mme. O rile, “Billy, ke—ke phetše ge feela ke swanetše go phela.” O rile, “Ga ke na selo gape go se phelela.” O rile, “Ke swanetše go tloga.” Gomme o rile, “Bokaone ke no ya pele, go ba le papa le ba bangwe ba bana ba bangwe bao ba lego godimo Kua. Ke ba go le bona bohole, ganši.”

¹¹ Gomme ge a be a bewa ka gare ga ambulanse, go tšeelwa ntile go ya sepetlele, go fiwa glucose, gobane o be a sa kgone go ja selo. Ba be ba swanetše go mo fa glucose ka ditšhika tša gagwe. Gomme ke rile go yena, ge re be re mmea ka gare ga ambulanse, ke rile, “Bjale, mama, se sengwe le se sengwe se lokile.”

O rile, “Ke hlohogetše go sepela.”

¹² Gomme ke rile, “Mama, ge o be o ntlogelela lefa godimo ga lefase, la ditolara tše milione tše lekgolo, bakeng sa rena bana, goba o be o re tlogela legae le le bego le tla fihla go tšwa toropongkgolo go ya toropongkgolo, go be ka se be selo boka go bapela le bopaki bjoo o a re tlogelelago, ‘Ke komana go sepela.’” Ke lefa leo tšelete e ka se kgonego go le reka, go tseba seo.

¹³ Kafao kagona, ka go sefahlego sa seo, ke ema ka sebete, ke dumela dilo tše tseo ke di rerilego. Se se eme gabotse go mme wa ka, se eme gabotse go mmago batho ba bangwe, se eme gabotse go rena bohole. Nka se kgone go re, “Modimo, o se mo tšee.” Gobane, ke a tseba gore ka pela ge soulo ya gagwe ya go hwa e tlogela mmele wo, o na le wo mongwe o letile. Gomme o tla ba mosadi yo moswa gape, mo metsotsong e se mekae feela morago ga ge a tlogile mo.

¹⁴ A le kile la ela hloko lesea le lennyane ge le tswalwa, digoba tša lona tše nnyane di a šikinyega le go thuhlula? Eupša ge le etla lefaseng, le amogela moyo, gomme morago le ba soulo ya go phela. Gomme ka pela ge soulo e eya morago go tšwa go mmele wo monnyane wola, fao go na le wo mongwe wo motee o e letetšego. Le a bona? Gobane, sa pele, Modimo o dira soulo le moyo, o no ya mebeleng. Gomme, gomme ge re tloga mo, re fetola feela mafelo a boduloo le go ya go le lengwe. “Ka gore ge tabarenekele ye ya lefase e phušoga, re na le ye nngwe e šetše e letile.” Kafao, yeo ke khomotšo ya rena.

Bjale a re rapeleng.

¹⁵ Wa rena wa Letago, Tate wa Magodimong, re be re ka kgona go dira eng ka go diiri tše tsha tlhoko tše kgolokgolo, ge e be e se ka Wena? Eupša kholofelo ya rena ga ya agwa godimo ga selo ntle le Madi a Jesu le toko! Gomme re thabile kudu go tseba gore go ne Naga mošola wa noka. Gore ge O feditše ka rena mo lefaseng le, gore re no fetola mafelo a rena a bodulo, go ya go Naga yela ya letago, mošola, moo go sego bolwetši goba bohloko bja pelo, lehu goba karogano. Ka mehla re tla ba le Wena le baratwa ba rena. Kafao, re a Go leboga bakeng sa kholofelo ye ya letago ye e lego ka sehubeng sa rena lehono.

¹⁶ Gomme go bonagetše, Morena, go thata mosong wo go nna go tla tlase; e sego go Go direla, eupša go tseba gore ke tshogile le go makala feela ka fao ke tla kgonago go batamela Molaetša wo mosong wo go kereke, wo ke ikwelago gore O o beile godimo ga pelo ya ka. Ka fao lenaba le ntšerego go dikologa le go dikologa ka wona! Eupša ke fihlile bokgole bjo, go ya phuluphithing, Leineng la Gago. Gomme ke gafela nnamong, le Molaetša le bohle, ka diatleng tsha Gago, le go tseba gore O ka godimo ga go kgonago O tseela go pelo ye nngwe le ye nngwe, le go fa se sengwe le se sengwe re se hlokago. Re o gafela wohle go Wena bjale, le renabeng, bjalo ka tirelo ya Gago; bjalo ka ge dipounama tsha ka e le seboleledi sa Gago, le ditsebe bjalo ka kota ya Gago ya go kwa. Re šegofatše, Morena.

¹⁷ Gomme a nke bomme ba bangwe, botate, le bao ba tla bago ka matšatšing a a tlogo, ge lefase le ka ema, a nke ba lokiše le go tseba, le bona, gore ba swanetše go tla tlase letšatši le lengwe go iri ye mme a gorogilego go yona. Ke a rapela, Modimo, gore ba tla dira tokisetšo ya bona lehono. Ka gore ga go sa na selo se tee gape ka lefaseng seo se tshwenyago. Ga go tšhelete e ka kgonago go reka, ga go botsebalegi bo ka kgonago go swarelala; ga go selo se ka kgonago go thusa eupša Modimo, gomme Modimo a nnoši. Gomme re swarelala go seatla sa Gagwe sa go se fetoge, re tseba gore O rile, “Dikgato tsha moloki di beakanywa ke Morena.” Kafao tlaišego ye nnyane ye yeo re nago le yona bjale, ka go bophelo bja bjale, e tla ra bonnyane kudu. Bjalo ka ge moreti a e hlagišitše, “Ditapišego tsha tsela di tla bonala e se selo, ge re fihla bofelong bja tsela.”

¹⁸ Re thuše, Morena, re gatelele go ya mmarakeng wa pitšo ya godimo; re tseba gore letšatši le lengwe, ka go ye kgolo mošola mo, re tla kopana ka go ye bose pele le pele. Segofatša Mantšu a Gago bjale. Segofatša bahlanka ba Gago. Ngwana yo mongwe le yo mongwe wa Modimo yo a lego ka mo, a nke dipelo tsha bona di huthumatšwe le go huduega mosong wo. Gomme, Tate, ke hloka ye nngwe ya yona, nnamong. Ke a rapela gore O tla e fa, dilo tsohle tše, Leineng la Morena Jesu Kriste. Amene.

¹⁹ Bjale ke hlokometše gore mo re na le sehlopha sa disakatuku. Gomme nna ke... Re tla fihla go tšona feela ka go lebakana le lennyane.

²⁰ Ke tlie ka gare go tšwa leetong mo ke bego ke le godimo ga leeto la go tsoma, le monna godimo kgauswi le Alaska. Le a tseba, sehla se ke mohuta wa sehla seo ke se beelago ka thoko, lehlabula la ngwaga, go ikagagape nnamong, go ba komana bakeng sa dihla tše di letšego pele bakeng sa tirelo.

²¹ Ga ka tia kudu, gabotse, ke tla re, ka megalatšikeng ya ka. Ke na le tshe—tshe tshepedišo ye mpe kudu ya megalatšika. Gomme ke a lemoga gore go tšeа mohuta wola wa tshepedišo go dira bodiredi bjoo Morena a mphilego. O ka se kgone go ba le se sengwe le se sengwe sa letago, mo lefaseng. Nameng, ke leboga kudu bakeng sa mmele wa go tia. Eupša tshepedišo ya ka ya megalatšika, ka baka la gore o bapala thwi godimo ga mothalo gare ga tlhago le sa kagodimogathago, gomme se go ripaganya diripana. Gomme ga se ka tsoge ka leka go dula fase le go hlaloša seo go diphuthego tša ka, gobane ba ka se kwešiše, gobane ga ke kwešiše, nnamong. Eupša le go dingaka, di ntlhahlofile le go bea teko yela ya kgatelelo ya megalatšika; ba rile ga se nke ba ke ba bona e ka ba eng boka yona, le a bona, ka fao e tla šuthago go tloga lefelong le tee, bogodimo tsela yohle go ya go le lengwe. Ga ke kwešiše diphatišišo tša bona tša saense le, goba se ba se dirilego, ditsela tša bona tša go dira dilo. Eupša ke a tseba gore go be go le se sengwe se diregilego go nna letšatši le lengwe, ge Kriste a ntshwere, ke ile ka fetolwa.

²² Gomme ke tla no rata go bolela se, se ka maatlafatša. Go bonala o ka re e tla ba selo sa go tlabu kudu, go bolela ka sona, mosong wo. Eupša feela, pele ke tsena Molaetša wa ka, go mohuta wa go ikhomotša nnamong, ke tla rata go bolela seo. Ge ke efa ntle mabapi le go ba fa, ga se ke tsebe gore mme o be a eya go babja.

²³ Gomme le nna ke file ntle tirelo ya bošego bjo. Modimo ge a rata, re tla dira. Ke tla ba fa bosegong bjo, ke bolela, ge seo se lokile le modiša. [Ngwanešu Neville o re, “Ee, mohlomphegi!”—Mor.] Gomme ke nyaka go bolela ka, *Mohomotši O Tlie*, bosegong bjo. Gomme ka gona yeo ke tirelo ya bosegong bjo. Gomme re na le tirelo ya selalelo mo bosegong bjo. Gomme batho bohole ba mengwa ka borutho go tla le—le go tšeа selalelo se le rena bosegong bjo, le bakeng sa Molaetša.

²⁴ E be e le seruthwane sa go feta ge ke be ke le godimo ka Alaska, goba godimo kgauswi le Alaska, ka British Columbia, go ya... bakeng sa ditirelo, gore Morena o re file nako ye bjalo ya letago. Gomme ka—ka mehla ke be ke rata lešoka.

²⁵ A le kgona go nkwa gabotse ka morago? Le kgona... Ge le kgona, phagamišang diatla tša lena, moragorago kua.

²⁶ Ka mehla ke be ke rata lešoka. Bjalo ka ge e ka ba mang a tseba lapa la rena, o tseba seo fale. Mme wa ka, a hlokofalago ntle kua bjale, mmagwe e be e le Moindia. Gomme tshokologo ya ka ga se nke ya e fetola, gomme ke... lerato la ka bakeng sa lešoka;

gomme ke thakgetše, gobane ke felotsoko ke bonago Modimo. Ga ke ye kudu go ya ntłe go tsoma diphoofolo, ke—ke go ba ke nnoši le Modimo. Gomme ke tsoma ke nnoši.

²⁷ Gomme ge ke be ke sa le godimo kua, ke kopane le bahlahli ba maatla ba bakaone. Bao ke baisa, ka Canada le mafelong, pele o ka ya ka lešokeng, mohlokomela diphoofolo o go bea go mohlahli. Gomme mohlahli yoo o swanetše go ba le wena.

²⁸ Gomme ke kopane le ngwanešu wa go makatša wa Mokriste, yo moswa, mopentecostal, yo e bego e le mohlahli wa go tsebalega ka Canada. Mosadimogatša wa gagwe e be e le wa letago, mosadi yo a pholoshišwego. Gomme o mengwaga ye e ka bago masomenne ka bokgale, gomme o bile le bana ba bahlano ba bannyane, bašemane ba bannyane, go tloga go lesomeseswai go ya go e ka ba mengwaga ye mebedi bogolo. Gomme o be a filwe karolo ye kgolo ya maele tše makgolo tlhano ya Tsela ya Alcan, bakeng sa sekgala sa gagwe sa tlhahlo.

²⁹ Go na le Maindia tsoko morago ka kua, ba ba bego ba sa nyake go tšwa, gomme ba be ba le mereba kudu, le go bea leswao godimo, “Ge le etla ka mo, go tla ba tšholo ya madi.” Eupša, efela, re otletše pele go le feta, le go ya morago, ka gore ke be ke nyaka go bolela le Maindia ao. Morago ga tšohle, naga e be e le ya bona pele e be e le ya rena, le a tseba. Gomme ke bile le nako ye botse le bona, Seruthwana sa go feta, ke ba botša ka ga Morena Jesu.

³⁰ Gomme mokgalabje yo motee, tate wa go tšofala wa setšhaba, o be a le kgaušwi le lekgolo. O be a na le ya gagwe... Ke be ke kgona go bona gore ke ka baka la eng a be a sa nyake go tloga. Ba boloka bahu ba bona koteng, gomme ba lekeletša kota godimo ka mohlareng. Ba bile le bana ba babedi ba bannyane ba bolokilwe fale. Nnete, o be a sa nyake go tloga. Ke kgona go bona gobaneng a be a sa nyake go tloga. Gomme lefelopoloko, mmu—mmu mmušo wa Canada, Pušo ya Canada e rile, “Ge ba na le manganga, ba be ba tla no ba tsea go tšwa fao gomme ba ba dira gore ba sepele.” Gobaneng, o hloya go bona go dira seo; masea a bona a lekeletše fale ka mehlareng.

³¹ Gomme kafao, go le bjalo, dinoka di tla fase le go re ripa gomme re be re sa kgone go tla morago ka nageng moo re bego re eya go tsoma bera ya tšhitšiboya. Mna. Southwick yo, Southwick ke yena, o be a le mohlahli. Gomme yena... Gomme ke be ke na le modiredi yo monnyane, Eddie Byskal. Gomme kafao mošemane wa gagwe... Mna. Southwick o bile le ngwa—ngwa ngwanešu yo moswa wa, a ka ba, gare ga masomapedi tlhano le masometharo a mengwaga bogolo, o be a tlaišwa ke go wa dihwahwa gampempe.

³² Mna. Southwick o sa tšwa go ba Mokriste, e ka ba ngwaga wa go feta. Lekhapoye pele, gomme ba mohuta wa makgwakgwa, le a tseba, ka maphelong a bona. Gomme, eupša o be a sa tšwa go ba

Mokriste, gomme o be a dumela. Gomme o rile, "Ke badile puku ya gago, Ngwanešu Branham." Gomme o tšwetšepele a gatelela, mmogo, ka ngwanaboo ka bolwetsi bja go wa dihwahwa. O rile, "Oo, ge nka no fihliša ngwanešu wa ka go wena!" Gabotse, le tseba ka fao go go dirago go ikwela, ga o ne thušo, ga o kgone go dira selo, gomme o no makala ka fao yeo yohle e ka diregago.

³³ Ka gona ka Canada, ka mehla banna ba . . . Lena banna ba le yago ntle maetong, le a tseba, ka go swara dipere. Gomme ke rata dipere le diphoofolo. Ka mehla ba tlemelela seswari go mosela, le go di dira di sepele ka molokoloko, molokoloko wa sehlopha. Eupša kua o ka se kgone go e dira, ka baka la letswnika le boletaleta; ge o loba pere e tee, o ka no loba molokoloko wohle. Kafao re no swanela go di tlogela di sepele, le go di kgobakgobelaa ka tseleng.

³⁴ Gomme ke be ke le moragorago ka morago, godimo ga pere ye nnyane, ke leka go kgobakgobelaa tša go hlahlatha le go di tliša ka gare. Gomme Moya wo Mokgethwa, ka mogaung wa Gagwe, o theogetše tlase. Ke hlohleditše pere ya ka, le go katiša go feta molokoloko, go fihla moo Mna. Southwick a bego a etilepele, ntle ka pele, go kgabola sethokgwa. Gomme ke rile, "Bud?"

O rile, "Ee, Ngwanešu Branham."

Ke rile, "A o tla tšea lentšu la ka?"

O rile, "Ka e ka ba eng o e bolelago."

³⁵ Gomme ke rile, "Ke na le O RIALO MORENA bakeng sa gago." Ke rile, "Sepela o tše ngwaneno wa gago go tšwa Fort Saint John," e lego dimaele tše makgolo a šupago goba a seswai kgole, "mo tliše godimo go tselalephefa fa." Gomme o be a dula mokhukhung wa kgale le pururwna ya kgale fale bakeng sa setofo, o bile le bana ba gagwe ka fale. Gomme ke rile, "Lekga la mathomo a wago ka motsikitlano wa dihwahwa, o hlothola hempe ya gagwe go tloga mokokotlong wa gagwe. Ke tla go fa se sengwe go dira. E lahlele ka mollong, gomme o re, 'Se ke se dira Leineng la Jesu Kriste.'"

O rile, "Ke tla e dira."

³⁶ Kafao o ile, a romela gomme a tše ngwanaboo, a mo tliša godimo kua. Gomme mosong woo o ile a swanela go ya ntle go mohlala, le monna tsoko wa pabalelo. Gomme ngwanaboo ka mehla o ne ye mebedi goba ye meraro ya metsikitlano yela, ka letšatši, gomme o bile le yona ge e sa le a be a le mošemane yo monnyane. Gomme mosadimogatša wa gagwe o be a tšhogile go iša lehung, ka yena, ge a bile le metsikitlano yela, gobane o bile dikgaruru; wa go tia kudu, moisa yo moswa.

³⁷ Gomme o wetše ka motsikitlanong, morago ga ge Bud a tlogile. Sebakeng sa yena go taboga go tšwa ka lefastere, boka a dirile ka mehla, go tloša bana ba gagwe tseleng, o tabogetše thwi go mo tlaralela, gomme a hlothola go tloša hempe ya gagwe;

yo monnyane, mosadi wa go tlala ka Moya wo Mokgethwa, a hloholo go tloša hempe ya gagwe le go e lahlela ka mollong, le go re, "Se ke se dira Leineng la Jesu Kriste." Ga se nke a ke a ba le o tee ge e sa le. Seo e bile seruthwana sa go feta.

³⁸ Makga a mantši, ke a tseba go bile thata gannyane. Batho ba ba sa kwešišego, ba re, "Ngwanešu Branham, gobaneng o ka tšea leeto la go tsoma?" Le a bona, ba no se kwesiše. Ga go bohlokwa bja go leka go e hhalosa, le a bona. O swara batho kua ba bego ba ka se tsoge ba swarwa.

³⁹ E ka ba dikgwedi tše pedi tša go feta, goba e sego botelele bjoo, ke ile ka tsoga mosong wo mongwe. Ke a dumela, ga ke na nnete, ke e boletše go bontši bja kereke. Go na le ba bantsi mo ba ba nkwelego ke bolela se pele se etla go phethega. Gomme ka ponong ke bone, gore ke bone phoofolo ye kgolo, e lebega bjalo ka tshepe. Gomme e be e na le tše kgolo, dinaka tša godimo. Gomme e be e le . . . Ke ile ka swanela go ya go dikologa lehlakore, leswika le boleta, ka mokgwa *wo*, go fihla go yona. Gomme e be e le phoofolo ya go tuma kudu. E be e le phoofolo ye kgolo ya seal. Gomme fao go be go le monna yo ke mmonego yo a bego a apere ye talamorogo, hempe ya magwadigwadi. Gomme ka gona, tseleng, morago ga ge ke hweditše phoofolo, ke kwele se—se segalontšu se bolela gore, "Dinaka tšeо ke diintšhi tše masomenne pedi godimo." Seo e ka ba bogodimo *bjo*. Gomme e be e le phoofolo ya ntotoma. Gomme tseleng go boweng, ke bone bera ya tshitšiboya ye kgolo ya ntotolo ya ntlhasilibera.

⁴⁰ Bjale, yeo ke bera ya go tuma. Go ne tše nne ka lapeng la bera ya tshitšiboya. Ye tee ke ntlhasilibera, ye e tsebalegago. Ya go latela e bitšwa, leina la modudi wa setlogo, *kadish* (?), e lego ye ntsho, ka tsebe ya ntikodiko; ya bobedi. Ya boraro, ke bera ya tshitšiboya ya tlwaelo, ye e lego gare ga boso le tsotho, bera ye ntotolo. Gomme ya go latela ke Kodiak, ye e hwetšwago feela Sehlakahlkeng sa Kodiak le—le bodikela bja Alaska; ke ye kgolo, ya ntotoma, ye kgolokgolo kudu ya dibera tšohle, eupša ke bera ya tshitšiboya. Eupša ntlhasilibera ke ye ntsho, gomme bošweu bo godimo . . . silibere e mafelelong a ntlha ya moriri. Ke ya go tuma, ya mothalo wa godimo kudu, bera ya sebefedi sa go se tsebalego.

⁴¹ Ke thuntše bera ka mothunyo wa pelo, ke mmolaile. Eupša ke be ke botšiša raborolo ye nnyane ke bilego le yona, ka go e hwetša. Gomme ke boditše baena. Ke ba bakae mo ba nkwelego ke bolela ka seo pele se direga? Phagamišetšang diatla tša lena godimo. Gabotse, nnete, bontši bja bona, le a bona.

⁴² Gomme kafao gona Mna. Arganbright o nteleditše gomme o nnyakile ke ye Alaska. Gabotse, sebakeng sa go ya Alaska, ke ikwetše ke hlahlwa go ya morago godimo fa go leeto le, godimo fa le Bud, gobane ke be ke mo tshepišitše.

⁴³ Ge ke fihla godimo kua, ke boditše mosadimogatša wa gagwe le batho bohle tikologong kua, dilo tše A di boletšego. Ke rile, “Eupša, bjale, ke mang wa lena bohle a nago le ye talamorogo, hempe ya magwadigwadi?” Ga go yo a bilego le e tee. “Gabotse,” ke rile, “gona e swanetše go ba leeto le lengwe leo ke tla le tšeago. Eupša, felotsoko, Morena o ya go mpha yona, feela tlwa.” Kafao ke rile, “Ke naganne e ka no ba leeto le.”

⁴⁴ Gabotse, re ile pele, leetong. Gomme letšatši la pele, ge re fihla godimo, ka godimo ga mothalo wa thimpa, moo go sego thimpa, godimo go magatsela, le dipere tša rena. Gomme letšatši la bobedi, re tsomile tše dingwe, gomme re hweditše dinku tše ntši ka dikhele tša dikotara tše tharo, le go ya pele, eupša e be e no se be gabotse.

⁴⁵ Gomme le bolela ka kopanelo, yo mongwe le yo mongwe wa rena mopentacostal gomme o bile le Moya wo Mokgethwa! Re bile le nako ye nngwe godimo fale, le go bona mebala yela e fetoga, le dithaba tšela, le godimodimo ka fale moo Modimo a nnoši a phelago! Gomme nako ye kgolo bjalo! Re be re ka se ye malaong go fihla iri ya pele mosong, re no tumiša Modimo le go ba le nako ya letago!

⁴⁶ Gomme ka letšatši la bobedi, re ile ntile. Gomme e ka ba dimaele tše tshela morago, godimo ka morago ga magatsela, re bone dikgapa tsoko tše kgolo. Gomme o rile, “Gabotse, re tla ya morago, gomme mosong wa go latela mo mosegareng re tla ba tseleng ya rena.”

⁴⁷ Kafao re thomile go tloga mosong wo o latelago, pele ga seetsa sa letšatši; gomme re fihlile, ka iri ya senyane, re be re le godimo moo re bonego ka go magatsela.

⁴⁸ Eupša tseleng go ya godimo, ke bone tshepedinakadimaphakga ya ka ya mathomo ya lešoka. Ga se ka ke ka tsoge ka bona e tee. Ke bone tša gae, ka ga Lapland, le go ya pele, eupša e sego ka go tshepedinakadimaphakga; e sego... *Tshepedinakadimaphakga* ke leina la setlogo, ke “tshepe.” Gomme kafao ka mehla di na le dinaka tša dipapetla, ka mokgwa wo, le tee le telefalela thwi ka pele ga nko ya tšona, gomme papetla e tla ntile ka pele; gomme ka gona dinaka di aka godimo, ka papetla ye nngwe e ka ba bophara bjo bobjalo.

Bud o rile go nna, “Mohlomongwe...”

⁴⁹ Ke rile, “Aowa, aowa. O...” Ke rile, “E be e se tshepedinakadimaphakga, gobane e be e se ne mohuta wola wa dinaka.” Eupša mosong wola, go yeng godimo, gonganeng, ke bone kgomo le namane. Gomme re ile godimo go lehlakore le lengwe, gomme ke e bone, poo ye nyanyane, e kitima.

⁵⁰ Gomme Ngwanešu Eddie, o nyaka go fepa Maindia moo a lego moromiwa. Go na le monna yo mokaone, o tšwa lapeng la go ratega, gomme mosadimogatša a no tšwa lapeng la go ruruga. Gomme matsogo a bona a lewa godimo ka *mo*, le go baba,

ka matsetse, moo ba phetšego le Maindia le dilo, ntle kua ba leka go tliša Kriste go Maindia. Go tsea mogau go dira seo! Go phela ntle kua godimo ka potoro le kgotlaoomone, le go robala ka mengwakwaneng ya bjang yela moo ditšikidi, matsetse le se sengwe le se sengwe, di no go ba ja ka mokgwa woo, efela, go tliša Ebangedi ya Jesu Kriste!

Gomme kafao Ngwanešu Eddie o ngwegile go dikologa thaba.

⁵¹ Gomme ke dutše fale feela ka tlhokomelo, lebaka la diiri tše pedi, ge ke bone thaba ye kgolo ya dintlhорwana tša lehlwa. Ke naganne, “Morena Modimo, a nke ke phele fa nakong ya Mileniamo.” Go bona wona maloko a maserolwana a badirakhutšo tlase thabeng, le tholo ye khubedu ya sethokgwa, le tšohle di tsenelana ka tšela tše kgolo tša dintlhорwana tša lehlwa, di bonagatša tlase ka go matsha. Go no ba se sengwe ka yona, ka fao o ka kgonago go dula fale le go lla, le go lla le go lla, gobane Modimo a nnoši o kgonago go penta yeo. Ga se gona se ka go e dira, le a bona.

⁵² Gomme ke be ke dutše fale, ke diragetše go nagana, “Gabotse, ke makala go diragetše eng ka Ngwanešu Eddie?”

⁵³ Ke ile godimo go Bud, gomme o be a dutše godimo fale a hlalala ka go yona, le yena, e ka ba diiri tše pedi. Gomme re ile godimo, gomme ke bone khamera ya mobi ya Eddie e robetše thwi godimo kua. Godimo ga dintlhora tša dithaba tšela, ga go selo eupša tshepedinakadimaphakga, mmalewaneng, feela mmalewaneng, o godimo moo thimpa e ka se melego.

⁵⁴ Gomme ke mo hlokometše go theoga thaba. O be a beile menwana ya gagwe godimo ka mokgwa *wo*, o be a tsatsela garabou ye nnyane ya poo. Gabotse, o—o thuntše tshepedinakadimaphakga. Gomme re nno e bua, le go ya morago godimo thabeng. Gomme ke fihlile fase go lekanela re hwetša meetse.

⁵⁵ Gomme ke be ke no lebelela go dikologa ka digalase. Ka mokgwa wo mongwe, e ka ba dimaele tše pedi go tloga go nna, phoofolo ya ka e be e robetše fale. Ke mmone. Ke rile, “Yoo ke yena. Yeo ke yona.” Ke rile, “Lebelela fa, bona leswikaboleta le, re swanetše go ya go dikologa lehlakore.” Gomme ke rile, “Selo se nnoši ke ye talamorogo, ya magwadigwadi . . .” Gomme ke lebeletše, gomme Eddie o be a apere ye talamorogo, hempe ya magwadigwadi.

Ke rile, “Eddie, ke naganne o . . .”

⁵⁶ O rile, “Ngwanešu Branham, ga se nke. Mosadimogatša wa ka o swanetše go be a beile yela ka fale.” O rile, “Ke bile le hempe ya go hlweka mosong wo, eupša ke be ke sa tsebe yeo. Mosadimogatša wa ka o swanetše go be a beile yeo ka kua.” Modimo ga a ke a šitwa selo se tee. O no ba ka go phethagala. Fao o be a na le ye talamorogo, hempe ya magwadigwadi.

⁵⁷ Mohlahli a re, “Ngwanešu Branham, ga ke tsebe gore o ka fihla bjang go dikologa go yela.”

⁵⁸ Ke rile, “Ga ke kgathale ge eba o bokgole bja dimaele tše masometlhano, ke wa ka!” Ke rile, “Ke wa ka.” Gomme re thomile go tloga go dikologa leswikaboleta lela, feela, oo, motheoga *wola*, feela go dikologa mahlakore.

⁵⁹ Gomme re fihlile godimo fale, gomme ke hweditše tshepedinakadimaphakga ye kgolo. Gomme—gomme go na le gore e be le dipapetla, e be e na le dintsotsobidi; ga se ka ke ka bona e tee ya go swana le yona. Le bona ka fao go arogilego, ka fao Modimo a dirago dilo?

⁶⁰ Kafao re boditše bašemane go ya go theoga go goga, le go tšeа dipere le go topa nama, le go kopana le rena tlase kua botlaseng ge re etla tlase. Gobane, Ngwanešu Bud o lebeletše tikologong, o rile, “Pono ya Ngwanešu Branham, ge e be e le therešo ka ngwanešu wa ka a fodišitšwe, ka bolwetši bja go wa dihwahwa, o tla hwetša phoofolo yela go sa kgathale moo e lego.” Kafao o rile, “O nno kopana le rena, re tla ba le yona, e lebile tlase fale.”

⁶¹ Gomme ka fao ge re e buile; gomme letlalo le dinaka, le tšohle, e be e tla ba e ka ba lekgolo le masomepedi tlhano a diponto; eupša feela, e sego letlalo la mmele, feela letlalo la seapešo. Kafao gona o rile, “Bjale, Ngwanešu Branham,” o rile, “Ke nyaka go go botšiša se sengwe.” O rile, “Ke be ke sa kgone go mmua mo,” yena le nna bobedi, yo motee ka lehlakoreng le lengwe le le lengwe. O rile, “O re dinaka tše ke ‘diintšhi tše masomenne pedi?’”

Ke rile, “Ee, mohlomphegi.”

O rile, “Di lebega boka masomesenyane, go nna.”

Ke rile, “Tšona ke masomenne pedi.”

Gomme o rile, “Ke na le theipi ya go ela ka mokotleng wa ka wa sala.”

Ke rile, “Go lokile, o tla bona ke tlwa.”

⁶² O rile, “Gona, go ya ka se o mpoditšego, felotsoko gare ga fa le moo re kopanago le bona bašemane, ka hempe yela ye talamorogo godimo, o ya go hwetša bera ya tšhitšiboya ya ntlhasilibere?” O rile, “Ga se ka ke ka bona e tee, gomme ke phetše ka dithabeng tše bophelo bja ka bjhole.”

Ke rile, “Eupša ke O RIALO MORENA.”

O rile, “O tseba mo a lego?”

⁶³ Ke rile, “Aowa. Eupša o felotsoko gare ga fa le bona bašemane.” Re kgonne go bona thwi tlase moo ba bego ba le gona, e ka ba dimaele tše tharo, tlase go mothalo wa thimpa. Ke rile, “Re tla mo hwetša.” Bjale, seo ke se sengwe!

⁶⁴ O rile, “Gona, re tla ba tlase fale mo iring le seripa. Gomme o nyaka go mpotša gore o ya go hwetša bera ya tšhitšiboya ye kgolo, ntlhasilibera, felotsoko gare ga fa le bona bašemane?”

Ke rile, “Seo ke go ya ka Lentšu la Gagwe.”

O rile, “O fale.”

⁶⁵ Kafao re bile le dinaka di beilwe saleng, godimo go dihlogo tša rena, le go hlahlatha le go theoga thaba re ile, go fihla re fihla go magatsela. Gomme ge re fihla go magatsela; go be go fiša kudu, re be re swanetše go tsena ka go magatsela gannyane, go fola. Re fetile godimo ga magatsela, re ile tlase go fihla re fihla moo meetse a bego a etla ntle ka tlase ga magatsela, le go theoga go bapa ka go . . . thoma go tsena ka go thimpa. Re nno dula fase, go khutša.

⁶⁶ Ke retologile, le go lebelela. Ke rile, “Lebelela, Bud! E ka ba boka kgomotshadi, e ka ba dimaele tše pedi kgole.”

⁶⁷ O lahletše digalase godimo, a lebelela, a re, “Ngwanešu Branham, kafao nthuše, ke ntlhasilibera!” O rile, “Mo lebeleleng a phadima ka go letšatši lela!”

⁶⁸ Ke rile, “Yoo ke yena.” Ke rile “Gabotse a re ye go mo tšea.” Kafao, seo ke se re se dirilego, re ile le go mo hwetša. Go ya ka, ka ponong, go be go le thari kudu go e bua nako yeo, re ile ra swanela go leta go fihla letšatši la go latela.

⁶⁹ Gona ka morago ga ge re hweditše tšhitšiboya, re boile morago tlase, nako yeo o rile, “Gomme o re tšona dinaka . . .” O rile, “Ge tšona dinaka e le diintšhi tše masomenne pedi, Ngwanešu Branham, ke ya go idibala.”

⁷⁰ Ke rile, “Ga wa swanela go idibala. Eupša, ke diintšhi tše masomenne pedi, seo ke se di lego.” Kafao re fihlile tlase go . . .

⁷¹ Gomme ke naganne, ka ponong . . . Lena baena ba le phagamišitšego diatla tša lena, le dikgaetšedi, lebakana la go feta, ba le nkwelego ke bolela se pele se direga. Ke rile go swanetše go ba go bile Billy Paul. E be e le mošemane yo monnyane. Bohle le elelwa ke bolela seo, ‘seatla tsoko se sennyane?’ Eupša mošemane wa gagwe o bogolo bja mengwaga ye lesomesesewai, gomme feela bogolo bja Billy Paul. Le a bona?

⁷² Gomme ge ke fihla tlase fale, fale go eme Eddie ka ya gagwe ye talamorogo, a apere hempe ya magwadigwadi. Ke bone seatla se sennyane sela se eya go dikologa dinaka tšela, gomme ge a ile godimo le go tšea theipi ya go ela, o e beile fase mo, le go swara, mošemane yo monnyane yola o beile diatla tša gagwe. Ke rile, “Lebelela, Eddie, tšona diatla tše nnyane godimo ga lenaka.” Gomme ge a gogile theipi ya go ela ka mokgwa wo, o ntebeletše le go fetoga yo mošweu ka kgonthe ka molomong, o rile, “Ngwanešu Branham, lebelela fa! Feel a go šeleta, diintšhi tše masomenne pedi, tlwa!”

⁷³ O ka no re, “Ngwanešu Branham, gobaneng o bolela seo go sekolo sa Lamorena?”

⁷⁴ Ke bolelela se go lebaka le. Morago ka go Testamente ya Kgale, bahlomphegi ba kgale le baprofeta ba bao ba ilego pele, ba be ba rapela Modimo wa Legodimo, Yo a ba laeditšego dipono. Ba ratile Modimo, ka mogau wa Gagwe, yoo a ba ratilego. Ba hlologetše Toropokgolo felotsoko. Sengwe ka gare ga bona! Ba tlogetše magae a bona gomme ba ba baeti, ka gore ba be ba nyaka Toropokgolo felotsoko. Ba boletše dilo tše re di bonago di direga lehono.

⁷⁵ Modimo yola wa go swana Yo a ba ratilego, le ka mogau wa Gagwe, le go ba direla dilo tšela, ke Modimo wa go swana yoo re mo hlankelago fa ka go tabarenakele ye mosong wo, a dirago dilo tša go swana. Gomme go na le, ka difarong tša ren, tlhologelo ya Toropokgolo yela, felotsoko mo ba ilego. Gomme ka Lentšu la Gagwe le ka maswao a Maatla a Gagwe, ka Moya wa go swana le diprofeto tša go swana, selo sa go swana seo A se dirilego morago fale go bona, O a re direla lehono. Gomme le e bona ka netefatšo ya go se palelwe, gore ke Modimo le Therešo ya Modimo.

⁷⁶ Kafao, e ka ba kae Toropokgolo ye kgolo yela e lego, le e ka ba kae ba kgobokanego, ke letetše go bona mme yola a hlokofalago wa ka, le lena bohole le bona, godimo ka go Toropokgolo yela fale le bale: Abraham, Isaka, Jakobo, Daniele, Jesaya, Jeremia. Gobane, mogau wa go swana wa Modimo woo a ba ratilego, le go ba fa dipono, le go ba bontšha dilo tša go tla, ke Modimo wa go swana lehono a dirago selo sa go swana go ren, Therešo ya go se palelwe! Ke, ke Therešo, mogwera.

⁷⁷ Tate wa ren a Legodimong, re a leboga. Gobaneng O nyakile ke be le dilo tše, Ke a thank, Morena, O be o no ntlhohleletša, o tseba gore go be go le letshogo le etla. Ga ke tsebe; O a tseba. Gomme ke a tseba ga ke sa le mošemane. Ga se nna mošemane yo monnyane yo a bego a fela a lekeletše go thethwana ya mama. Gomme ke nna monna wa mengwaga ya magareng bjale. Oo, ke Go rata bjang, Morena! Ke Go dumela bjang! Re fe mogau bjale. Re thuše go ruta Lentšu la Gago, gore ba bangwe ba ke ba bone le go ithuta, le go tseba ka Wena. Re kgopela ka Leina la Jesu. Amene.

⁷⁸ Bakeng sa sehlogo, mosong wo. Ke nagana seo ke sohle ke bilego le sona, feela... Gabotse, ditirelo bošegong bjo, selalelo, go hlapiša maoto, go ya pele, ke tšohle. Ke le laleditše go dula le go ba le ren. Eupša, bakeng sa sehlogo sa ren a mosong wo, a re phetleng godimo ka Beibeleng, go Mokgethwa Mateo, tema ya 3, go bala karolo ya Mangwalo. Ke nyaka go thoma go temana ya 10 ya tema ya 3 ya Mokgethwa Mateo.

⁷⁹ Gomme ke a tseba go ne ba bantši ba emego, gomme re hloya bakeng sa seo; eupša ge ba bangwe ba lena ba ka fetola go tloga le

bona, gatee mo lebakeng. Ke . . . Ntshwareleng go beng, go tšeeng nako ya ka, eupša ke . . . Le a kwešiša. Bjale palo ya Lengwalo.

...bjale gape selepe se beilwe modung wa mohlare: kagona mohlare wo mongwe le wo mongwe wo o sa tlišego kenywa ye botse o remelwa fase, le go lahlelwa ka mollong.

Ka nnete ke le kolobetša ka meetse go ya tshokologong: eupša yo a tlago ka morago ga ka o maatlamaatla go mpheta, yo ke se nago maswanedi a go rwala dieta tša gagwe: o tla le kolobetša ka Moya wo Mokgethwa, le ka mollo:

Yo leselo la gagwe le lego ka seatleng sa gagwe . . . o tla hlwekiša seboa sa gagwe ka go tsenelela, le go kgobela korong ya gagwe ka sešegong; eupša o tla tshuma mooko ka mollo wo o sa timego.

Morago gwa tla Jesu wa Galelia Jorodane . . . go kolobetšwa ke yena.

Eupša Johane a mo ganetša, a re, ke hloka go kolobetšwa ke wena, gomme wena o tla go nna?

Gomme Jesu a araba a re go yena, Lesa go be bjalo bjale: ka gore go re swanetše go phethagatša toko yohle. Gomme o mo tlogetše.

⁸⁰ Ke tla rata go tšea sehlogo go tšwa go lentšu lela fale ka go temana ya 15.

. . . Lesa go be bjalo bjale: ka gore go re swanetše go phethagatša toko yohle.

⁸¹ Ka mehla dinakong ke be ke makala gore ka baka la eng seo, gore Jesu wa Natsaretha . . . Gomme dinako tše ntši ke ile ka botšišwa. Gobaneng Monna boka Jesu a swanetše go kolobetšwa? Gobaneng Motho yo a ka kolobetšwa bjalo ka tiro ya tshokologo le ya boipolelo, ge A be a le yo mokgethwa, wa go hloka sepatsa, Morwa wa Modimo wa go phela wa go se otswafatšwe? Gobaneng Motho yo a swanetše go kolobetšwa boka motho a etla? Kolobetšo ke ka morago ga boipolelo. O be a se na le maipolelo go dira, ka gore O be a le Modimo. Gomme, Yena, gabaneng A swanetše go kolobetšwa boka A bile, “go tshokologo,” gobane Yena ga se a hloka tshokologo, gobane Yena o be a le Modimo wa go se palelwé? “O be a le lefaseng, gomme lefase le dirilwe ke Yena, gomme lefase ga se la Mo tseba.” Gobaneng A swanetše go kolobetšwa?

⁸² Gomme a le lemogile sekafoko pele ga seo? O rile:

. . . kagona go re swanetše go phethagatša toko yohle.

⁸³ Ka mantšu a mangwe, “Le swanetše go phethagatšwa! Lentšu lohle le Modimo a le boletšego, le swanetše go phethagatšwa!” Modimo a ka se kgone go bolela e ka ba eng ntle

le go ba le yona e phethagaditšwe. Ge A E boletše, ke mošomo wo o fedilego. E šetše e fedile ge Modimo a E bolela. Modimo ga a tsoge a bolela go fihla A le komana bakeng sa yona go ba; gomme, ge A bolela, go no ba gabotse bjalo ka ge go šetše go diregile.

⁸⁴ Bjale, ge seo se ka se re fe motheo go bea tumelo ya ren a godimo mosong wo! Ge Modimo a bolela Lentšu, le šetše le fedile. Gomme go reng ka ditshepišo tša Gagwe tše A re filego tšona? Se sengwe le se sengwe seo A se boletšego, e šetše e le mošomo wo o fedilego. Kafao, kagona, ge re amogela Lentšu la Gagwe ka pelong ya ren a, le—le šetše le dirilwe, le fedile!

⁸⁵ Gomme gobaneng gona A (ga go arabe potšišo) ka kolobetšwa? Ba bantsi ba rile, “Gobaneng, O kolobeditšwe gobane O be a le mohlala wa ren a.” Yeo ke therešo, go fihla leemong le le itšego, lefelo le le itšego. Yeo ke therešo, eupša ga se Therešo yohle.

⁸⁶ Therešo ya yona e bile, gore O be a le sekaiphethego, O be a le Moprista yo Mogolo. Gomme pele moprista yo mogolo a ka tlotšwa, o be a swanetše go hlapišwa.

⁸⁷ Ke nyaka go le balela Lengwalo tsoko, feela nakwana, godimo ka go Puku ya Ekisodo. Gomme ke a nagana ke temana ya 29 ke e ngwadile; tema ya 29, a ke re. Gomme ke nyaka go thoma fa go temana ya 4 ya tema ya 29.

Gomme Arone le barwa ba gagwe o tla ba tliša go mojako wa tabarenekele ya phuthego, gomme o tla ba hlapiša ka meetse.

...o tla tšea—o tla tšea diaparo, le go di bea godimo ga Arone, le jase, le kobo... le efete, le efete, le sephemasefega, le go mo tlema ka moketwana wa phišegelo wa efete:

Gomme wena o tla bea kefantloutlo godimo ga hlogo ya gagwe, le godimo ga ye kgethwa... godimo ga... mphaphahlogo godimo ga kefantloutlo.

Gomme wena o tla tšea oli ya go tlotša, gomme wa e tshela godimo ga hlogo, gomme wa mo tlotša.

⁸⁸ Le a bona, Arone, moprista yo mogolo, pele a ka tsoge a tlotšwa, o be a swanetše go hlapišwa ka meetse. Kagona, ge Jesu, pele A ka tlotšwa, Moprista yo Mogolo wa ren a, O hlapišitšwe ka meetse.

⁸⁹ Gomme ka gona Oli yela ya go tlotša e tšhetšwe godimo ga Gagwe, go Mo tlotša. Boka Arone a tloditšwe ka oli; O tloditšwe ka Moya wo Mokgethwa. “Ka gore Johane o beile bohlatse, a bona Moya wa Modimo o theoga boka leeba, gomme o eya godimo ga Gagwe; gomme Segalontšu se re, ‘Yo ke Morwa moratwa wa Ka Yo Ke kgahlwago ke go dula ka go yena.’” Kafao Beibele e

boletše gore, “Jesu o tloditšwe ka Moya wo Mokgethwa, o ile go dikologa a dira dilo tše botse.” Le a bona, O be a tloditšwe.

⁹⁰ Gomme pele A tlotšwa, O ile a swanelwa ke go phethagatša toko yohle. Le a bona, O be a swanetše go hlatswiwa ka meetse pele Tlotšo e etla godimo ga Gagwe.

⁹¹ Gomme ke sekai se sebotse kudu sa rena lehono, bjalo ka baprista go Modimo. Re swanetše go kolobetšwa pele, go ipolela dibe tša rena le go kolobetšwa Leineng la Jesu Kriste, go hlatswa go tloša dibe tša rena; gomme ka gona le tla amogela Tlotšo, mpho ya Moya wo Mokgethwa. Le a bona, go hlatswiwa pele, gomme morago go tlotšwa bakeng sa tirelo. Ga go modiredi yo a swanetšego go tsena phuluphithing ntle le gore pele a kolobetšwe Leineng la Jesu Kriste. Gobane, go ne feels. . . Go tlotšwa ga dibe go feels ka go la Jesu Kriste Leina, aowa, ga go leina le lengwe ka tlase ga Legodimo le filwego magareng ga batho. “Tshokologo le go tlotšwa ga sebe e swanetše go rutwa Leineng la Gagwe, go thoma ka Jerusalema.” Fao ke mo Moya wo Mokgethwa o welego le go tlotšwa, pele. Kafao, modiredi goba modumedi e ka ba mang o swanetše go hlatswiwa pele go tšwa dibeng tša gagwe, Leineng la Jesu Kriste; gomme morago a tlotšwe ka Moya wo Mokgethwa, go tliša pele bopaki bakeng sa Modimo.

⁹² Gomme Kriste o be a le bopaki bja Modimo, gobane Modimo o be a le ka go Kriste, a boelanya lefase go Yenamong. Bjale O rile:

. . . *Lesa se go ba bjalo, Johane. Yeo ke nnete.*

⁹³ Ka mantšu a mangwe, “Johane, o monna yo maatla, o yo mogolo, moprofeta yo maatla. Gomme kutollo ya gago ka Nna ke Therešo tlwa. O tseba Yo Ke lego. O a tseba, gobane bodiredi bja gago ga se bo tšwe go motho. Bodiredi bja gago bo tšwa go Modimo. Ga se wa tsoge wa ithuta bjona ka motho. Ga se wa rutwa se ka seminaring. Eupša ka, bogolo bja mengwaga ye senyane bogolo, o ile ka lešokeng, gobane o tswetšwe wa learogi, ngwana wa moswananoši. Gomme go tloga go yona tswalo ya gago, Modimo o thoma go šomana le wena. Gomme le pele ga tswalo ya gago, moprofeta o go bone. Gomme o seetša sa letšatši le. Gomme ka lešokeng. . . O tseba Yo ke lego Yena, ka gore Modimo, ka lešokeng, o go boditše gore fao go tla ba leswao le le latelago Nna. Gomme o šetše o beile bohlatse bja Lona, gomme o a e tseba. Gomme re a tseba yo mongwe le yo mongwe ke mang. Re a tsebana seng. Gomme gona ke therešo gore o hloka go kolobetšwa ke Nna. Eupša a re tlogele seo go ba bjalo, ka gore, Johane, ge re le dietša tša letšatši le, re swanetše go phethagatša toko yohle. Lentšu lohle la Modimo le swanetše go phethagatšwa ke rena, bakeng sa letšatši le, ka gore go a re swanela; go a swanela, go a swanela, go swana le rena. Gobane ge re le dihlatsese tša therešo tša Modimo lehono, Johane, re dietša tša lebaka le. Gomme ge re le dietša tša lebaka le, go na le Lengwalo le lentši

kudu le le swanetšego go phethagatšwa lebakeng le. Gomme go tšwa go rena!” Haleluya! “Go tšwa go rena, go bona gore toko yohle ya Modimo e phethagaditšwe.”

Gomme toko ya Gagwe ke eng? Lentšu la Gagwe!

⁹⁴ Ka lentšu le lengwe, “Johane, o tseba Yo ke lego Yena. Ke nna Moprista yo Mogolo. Yeo ke therešo, Johane, gomme Ke hloka go kolobetšwa ke wena. Eupša re swanetše go phethagatša toko yohle. Gomme Ke hloka go kolobetšwa ke wena bjale, go phethagatša Lentšu la Modimo, gobane Lentšu lohle le swanetše go phethagatšwa. Gomme re dietša tša letšatši, gomme go tšwa go rena go phethagatša yohle ye. Gomme Ke a tseba gore toko ya gago le kganyogo ya gago ke go phethagatša Lentšu. Go a re swanela. Ke rena dietša.”

⁹⁵ Seetsa sa lebaka le lengwe le le lengwe se swanetše go dira selo sa go swana. Re tseba se se swanetšego go phethagatšwa. Lena ba le lego ba semoya gomme le tseba Lentšu la Modimo, le bona se Modimo a se tshepišitšego. Bjale Lentšu le ka se tle feela ga bonolo, eupša Le tla ka go hlokomedisiša, o swanetše go gatelela tsela ya gago ka gare go Le dira. Eupša, go le bjalo, go a re swanela, go a re swanela go phethagatša toko yohle ya Modimo. Re swanetše go e dira.

⁹⁶ Gomme bjale Jesu o lemogile, ka go Johane, gore Johane o be a le moprofeta wa therešo. Lentšu le boletše ka Johane, gomme O tsebile gore o be a le moprofeta wa iri ka go felela. Gomme Johane o tsebile gore Jesu o be a le Mesia, wa iri. Gomme gona bobedi ka go hlaka ba bile le kwešišo.

⁹⁷ Oo, ge Kereke ya Modimo yo a phelago e ka kgona feela go hwetša seo ka go dihlogo tša bona mosong wo, le dipelo tša bona; gore Kereke e ka se ke ya aroganywa ke disitiši tša kerekeleina, gore diphapano ka dithutotumelo le mebala, le go ya pele; gore re ke re tle mmogo Leineng la Morena Jesu, re se na le selo go re kukela kgole go tloga go Lentšu la therešo la Modimo yo a phelago; le go sepela go otologa go theoga mothalo wola wa Lengwalo, go phethagatša toko ya Modimo yohle lehono!

⁹⁸ Ka gore, yo mongwe le yo mongwe o a tseba gore re phela ka Seetseng sa mantšiboa. Moprefeta o rile, “E tla ba Seetsa nakong ya mantšiboa.” Gomme kafao re a tseba gore re phela ka go iri yeo, iri ya Dietša tša mantšiboa. Kafao, Morena Modimo, re thuše go lemoga seo.

⁹⁹ A re yeng morago feela gannyane nthathana, gomme re tšee godimo baanegwa ba ba tsebilego maemo a bona ka letšatšing la bona, gomme ba ratile go emela go swaswalatšwa goba e ka ba eng gape, gore Lentšu la Modimo le ke le phethagatšwe.

¹⁰⁰ A re tšeeng, mohlala, Noage le letšatši la gagwe. Go be go swanela Noage, morago ga ge a kopane le Modimo gomme a tsebile polane ya Modimo bakeng sa letšatši.

¹⁰¹ Bjale, o ka se kgone go dira e ka ba eng ntle le ge o tseba se o se dirago. O swanetše go tseba gore ke thato ya Modimo. O swanetše go tseba gore ke polane ya Gagwe le tlhogelö ya Gagwe, gomme e utollotšwe go wena, gona ga se gona se yago go e thibela.

¹⁰² Bjale, Noage o tsebile, gobane o be a se a hwetša bodiredi bja gagwe go tšwa go sekolo tsoko sa thuto, eupša o be a boletše sefahlego le sefahlego le Modimo. Gomme o tsebile gore go be go etla mafula. O tsebile gore dipula di tla tšhologela ntle go tšwa mafaufaung, boka dinoka di bulega, le ge e be e le kgahlanong ka go tia le ditaba tša saense ka go letšatši lela. Borasaense, ntle le pelaelo, ba swaswaladitše Noage, le go re, “Re ka kgona go netefatša ka saense go wena gore ga go meetse godimo kua.”

¹⁰³ Ka gore, ba be ba le lebaka le legolo nako yeo, le legolwane go feta ka mo re lego lehono, le bosaense kudu go feta ka mo re lego lehono. Le a tseba, Jesu o boletše ka lona, “Bjalo ka ge go bile ka matšatšing a Noage.” Ka fao ba agilego meago ya diswantšho tša diphooftolo le diphiramiti, le dilo tše re sego ra kgona go di kgwatha, go di aga lehono. Gomme ba be ba le borasaense ba bagolo. Ba bile le mebala le dilo, le seela sa go omeletša, ka go letšatši lela, gore ba kgone go dira mami. Re be re ka se kgone go e dira lehono ge re be re swanetše go. Ba be ba gatetšepele kgole go feta ka mo re lego. Gomme ba kgonne go netefatša gore go be go se meetse kua.

¹⁰⁴ Eupša, go no swana, go be go swanetše go Noage, morago ga ge a tsebile polane ya Modimo, gore o kokotetše godimo ga areka, go no swana, ka gore o tsebile gore feela areka yela e tla ba selo se nnoši seo se tla phaphamalago. Ga go kgathale, ge eba e be e netefaditšwe ka sesaense go be go se meetse kua; ge Lentšu la Modimo le rile e be e tla na, e ya go na.

¹⁰⁵ Gomme a nke ke eme fa go bolela se, ka lebaka la batho ba go babja. Ge taba ya gago e befile kudu gore mohlomongwe ngaka e bolela gore ga go kholofelo; ke phapano efe seo se e dirago, ge feela Modimo a re go wena, “Ke ya go go dumelela o phele”?

¹⁰⁶ Gobaneng... Ngaka goba rasaense yo mongwe o tla re, “Bodumedi bja gago bjo o bolelago ka bjona, Moya wo Mokgethwa, le go bolela ga gago ka maleme, le diponagalo tša gago—tša gago, e no ba phoro ya monagano.” Gore, “Ga se wa tlatšwa ka Moya wo Mokgethwa.” Gore, “Ga go na selo sebjalo.” Gomme dikete tše ntši tša banna ba baruti ba bega seo lehono, gore, “Lena bohole le no be le itiriša.” Gore, “Ga go selo se sebjalo.”

¹⁰⁷ Gomme ke, ba bangwe ba bona ba rile go nna, “Gobaneng o sa tšoene kerekeleina tsoko ye botse, gomme wa šomiša khuetšo ya gago go išapele kerekeleina yela?”

¹⁰⁸ Gomme ka gona ba rile, “Bjale, se sehlopha se mo sa pentecostal se o hlehlaglo le sona, ba no ba sehlopha sa

ditswiamagotlo tša bodumedi. Gomme ba—ba... Ga go selo se sebjalo ka seo. Ba no ba ba itiriša kgopolong. Ga—ga—ga ba ne se ba bolelago ka sona. Re ka netefatša gore ga ba ne sona.”

¹⁰⁹ Oo, ngwanešu, o no ba thari kudu. Re tseba se re nago le sona! Re tswetšwe gape, ka Moya wo Mokgethwa, gomme re bona mediro ya Gagwe thwi magareng ga rena, feela boka go bile nakong ya Beibebe. Ge o dumela ka go Moya wo Mokgethwa wola wa go swana, gona gobaneng A sa dire selo sa go swana ka kerekeng ya gago? Gobane, A ka se kgone go fetoga; Yena ke Modimo.

¹¹⁰ Kafao, ga go kgathale se dinetefatšo tša sesaense di lego, gore re “no ba le maikutlo,” gore re “no ba go nyama kgopolong,” gore fao “ka kgonthe ga go selo go bodumedi bjo bogolo bjo” bja rena, gore “ga—ga e no ba se e swanetšego go ba sona,” le go ya pele ka mokgwa woo, gore re “no ba sehlopha sa balahlwa,” ga re e dumele! Le se e dumele!

¹¹¹ Ge morwedi wa gago a ka direga go tla gae go tšwa sekolong, gomme a re, “Mama, re netefaditše, lehono, gore le—le legata la motho le no ba boka lela la tšimpanse, le a bona.” Goba, “Re—re ithutile gomme—gomme re a tseba gore bohole re tšwa go sele e tee ka monwana, gore re no ba diphoofolo.” O se ke wa dumele seo!

¹¹² Gomme ga go kgathale se e ka ba mang a se bolelago, moithutamodimo e ka ba mang, ngaka e ka ba efe, rasaense e ka ba mang, morutiši e ka ba mang; o swarelela go Lentšu la Modimo! Ka gore, elelwang, re a aga, bjalo ka ge, Noage a bile letšatsšing la gagwe, re aga Areka.

¹¹³ Gomme Noage o tsebile gore ge a se a fetša areka yela, gore ga se lapa la gagwe mong le mnoši le ka phološwago. Kafao, o tsebile polane ya Modimo. Mo bogareng bja tshwaswalatšo, ga se e mo tshwenye nthathana e tee. O kokotetše nako yeo go areka yela.

¹¹⁴ Kafao, ga go kgathale ba bolela bontši gakaakang, “Ga go na selo se sebjalo bjalo ka kolobetšo ya Moya wo Mokgethwa. Ga go na selo se sebjalo bjalo ka phodišo Kgethwa.” Go a re swanela, go a re swanela, gore re phethagatše toko yohle, gore re eme ka go iri ye ya moleko, le go bethabatha go Areka ya Morena!

¹¹⁵ Ba bolela gore, “Ngwanešu, o hlakahlakane gohole ka go dikolobetšo tša gago, le go ya pele. Fao go... Ga la swanela go kolobetšwa Leineng la Morena Jesu.”

¹¹⁶ Ke be ke bolela le baratani ba go ratega mantšiboeng a go feta. Gomme go ne lesogana le le sa tšogo kolobetšwa, le go dumela gore go ne Modimo o tee feela. Gomme ka kopanong ya Banna ba Kgwebo ba ka se mo dumelele go paka, ka gore ga a dumele gore fao go Bomodimo ba bararo.

¹¹⁷ Bjale, ga go kgathale se ba se bolelago, go re swanetše, go re swanetše, gore re phethagatše toko yohle. Lentšu le tla dula le swana ge Banna ba Kgwebo le mekgatlo yohle e ile, gomme

dikereke di se sa le gona. Lentšu la Modimo le tla dula le swana! Go a re swanela go phethagatša toko yohle.

¹¹⁸ A baprofeta ga se ba profeta ka letšatši le? Elelwang, baswaswalatši bale, go a ba swanela go phethagatša yeo, le bona, gobane e swanetše go phethagatšwa, le yona.

¹¹⁹ Eupša, Noage, e be e sa mo tshwenye, o ile pele thwi gobane o tsebile lenaneo la Modimo. O tsebile se Modimo a bego a eya go se dira, Ngwanešu Kidd. O tsebile peakanyo ya Modimo gobane o be a boletše le Modimo, gomme e be e le go ya ka Lentšu la Modimo, gomme o ile pele thwi a e dira, go le bjalo. Ge eba saense e ka kgona go e netefatša goba e ka ba eng gape, goba tshwaswalatšo ke ye kae e beilwego godimo ga Noage, o dutše thwi le Lentšu la Modimo, gomme a bethabetha thwi. Gobaneng? Go be go swanetše go yena, gobane Noage o be a le moprofeta. Gomme go be go swanetše go yena gore o bolokile, Lentšu la Modimo. O dutše le lona.

¹²⁰ Go swanetše go moprofeta e ka ba ofe, moprofeta wa therešo wa Modimo, gore a dule le Lentšu. Go sa kgathale se saense e ka se bolelago, le se se se ka netefatšago *se*, goba go ya pele, go—go—go swanetše gore seo se phethagatše toko yohle.

¹²¹ [Ngwanešu Branham ka setu o bala noute—Mor.] Go lokile. Ba rometše lentšu go nna go rapelela mama thwi gonabjale. “Mo rapediše bjale. Ngaka e sa tšo tloga.” Go lokile.

¹²² Bjale, Morena Jesu, ke eme fa. Yoo ke mme wa ka. Ge a eya, ke neela soulo ya gagwe ka diatleng tša Modimo. Eupša Molaetša šo wo o swanetšego go ya pele, Morena. Go na le ba ba phelago mo bao ba swanetšego—ba swanetšego go hwa. Wena nthuše, Morena. Ke nna wa Gago. Leineng la Jesu.

¹²³ Go re swanetše! Go ntshwanetše bjale gore ke phethagatše toko yohle. Lentšu la Modimo le tla pele! Ga go lerato go swana le lerato la Modimo!

¹²⁴ Bjale, Noage, ga go kgathale se tshwaswalatšo e bilego godimo ga tate Noage, o tsebile moo a bego a eme, gomme kafao o dutše thwi le Lentšu. Gomme o agile areka go phološeng lapa la gagwe, gobane go be go mo swanetše go dira bjalo. Go be go swanetše Noage, go—go dira bjalo.

¹²⁵ Go swanetše Mokriste yo mongwe le yo mongwe go ema ka Lentšu. Nnete tlwa. Go ema ka Lentšu la Modimo! Magodimo le lefase di tla feta, le tla feta, ke tla feta, dikereke di tla feta, mekgatlo e tla feta. Eupša Lentšu la Modimo le ka se tsoge la feta! Botega, moeti wa go botega!

¹²⁶ Ka matšatšing a Henoge, feela pele ga mafula, ge Henoge a lebeletše ntle kua gomme a bona Noage a aga areka yela. Henoge o be a le moprofeta. Henoge o tsebile gore o be a le sekai. Gomme o tsebile, gore pele ga ge mafula a tlide, gore o be a swanetše go fa mohlala, kafao morago ga sekgalela se sengwe go be go swanetše

go yena go tsea mosepelo. Go be go swanetše gore o be a tla tsea mosepelo wo le Modimo. Gomme, ka mokgwa wo mongwe, letšatši leo o fetotše tsela ya gagwe. Sebakeng sa go ya go rarela lehlakore la thaba, o tsero Tselalephefo ya Kgoši, gomme o no tšwelapele a sepela. “Gomme ga se ba mo hwetša, ka gobane o be a se gona,” eupša o be a sepetše godimo ga Tselalephefo ya Kgoši!

¹²⁷ O Modimo, a nke ke be bjalo ka Henoge! Ge iri e etla gore ke swanetše go tsea tsela, a nke ke hwetše Tselalephefo ya Kgoši!

¹²⁸ Ke kgona go bona Henoge. Ge a tsebile go be go mo swanetše, ka gore o be a le moprofeta, gomme o tsebile se se bego se eya go direga. Kafao, ke kgona go mmona a atla mosadimogatša wa gagwe gore a šale gabotse, le go re, “Rato, ke tla go bona moragwana.” A tsea bana ba gagwe, gomme a ba atla gore ba šale gabotse; gomme a ya tlase go morwa wa gagwe yo a nyetšego morwedi wa gagwe le morwedi wa gagwe yo a nyetšwego, gomme a ba atla gore ba šale gabotse.

¹²⁹ Ba re, “O ya kae, tate? A o ya ntle go mosepelo wo monnyane?”

“Ee, ke ya bakeng sa go otlolla maoto.”

¹³⁰ Eupša ga se a tsoge a tsea ya kgale, tsela ya go tlwaelega letšatši leo. O tsero Tselalephefo ya Kgoši, gomme o ile godimo Letagong. Go be go mo swanetše go dira bjalo. O be a sa nyake go tloga, eupša efela go be go mo swanetše gore a phethagatše toko yohle. Gobane, o be a le sekai sa Kereke lehono. O be a le sekai sa Kereke ye e yago go tsea go ikotlolla maoto ga morago ga sekgalela, wo mongwe wa morago ga dikgalela tše. Re ya go ratha Tselalephefo ya Kgoši, gomme re tla ya kgole!

¹³¹ Ya, go be go swanetše go Noage, go be go swanetše go Henoge, gore ba phethagatše toko yohle.

¹³² Gona ke nyaka go bolela ka monna yo mongwe fa. Go bile le monna a bitšwago Daniele. Gomme o phetše mo letšatšing la baswaswalatši. Le a tseba, Bana ba Israele ba tserwe go tswa go nagalegae ya bona, go theogela ka Babilonia, gomme kua ba be ba nyamile, gomme lebaka la mengwaga ye masomešupa ba be ba le tlase kua. Eupša go be go le moprofeta yo moswa yoo a ilego tlase le bona, ka leina la Daniele.

¹³³ Gomme yena le sehlopha se sennyane, feela baena ba bannyane ba go tlala seatla, ba tlide mmogo gomme ba ikanne bonabeng go Modimo, gore ba be ba sa ye go itšilafatša ka bobona ka—ka motlwae wa sebjalebjale wa letšatši leo. Ba be ba sa ye go tlanakela dinama tša kgoši. Ba be ba sa ye go nwā dino tša gagwe tše maatla. Ba be ba sa ye go tsenela diphathi tša gagwe. Eupša ba be ba eya go ipoloka bonabeng ba bakgethwa le go ikgafa go Modimo, gobane go be go swanetše go bona!

¹³⁴ Go be go swanetše go Daniele, gobane o be a le moprofeta, gore a dule le Lentšu.

¹³⁵ Moprefeta e ka ba ofe wa therešo yoo a tsebago Lentšu la Modimo, yoo... Ge a sa tsebe Lentšu la Modimo, gona ga se moprofeta wa therešo. Moprefeta wa therešo o dula le Lentšu. E ka ba eng Lentšu le se bolelago, ba dula thwi le Lona. Ga go kgathale se mosepelo wa letšatši, goba se ke—ke kereke ya sebjalebjale e se bolelago, goba se yo mongwe gape a se bolelago, goba yo mongwe gape a dirago se sengwe gape, moprofeta wa therešo o dula thwi le Lentšu.

¹³⁶ Gomme Daniele o tsebile, gore ge a dutše le Lentšu, se go mmitšago. Go ya go mo tšeela botsebalegi bja gagwe. Go be go eya go mo tšeela kopanelo ya gagwe le baena ka moka. Go be go eya go mo tšeela dilo tše ntši. Eupša ba dirile taba, gore, ba be ba eya go rapela modimo yo a itšego, gona ka morago ga fao ba be ba ka kgona go ya morago le go rapela modimo e ka ba ofe.

¹³⁷ Eupša le a tseba, se sengwe ka Lona, Modimo, ga re itšimeletše ka Modimo. Fao ga go boitš... go itšimeletša, ka Modimo. Modimo o no dula e le Modimo! Ga A re letela, ka Lamorena, go ba Bakriste, ba Mo tumiša le go Mo rapela; gomme, ka Mošupologo, go keleketla le go e tšeela fase, le mehuta yohle ya dikgopololo, gore, “Mohlomongwe ke be ke le phošo, gomme ke swanetše go be ke dirile *se goba sela*.” Re dula thwi batsengwabogareng bja Lentšu la Modimo, gomme ra robala thwi go Lona!

¹³⁸ Kafao re hwetše gore, Daniele, go be go mo swanetše, bjalo ka moprofeta, go dula le Lentšu, go sa kgathale! Kafao go bile le taelo e ilego ntle, gomme e boletše, “Gore mang le mang yo a ka rapelago modimo e ke ba ofe yo mongwe, ntle le modimo yo ba mo hlaotšego.” Ka mantšu a mangwe, “Ge o sa dirišane le rena, re tla no go lahlela ka legolong la ditau.” Gabotse, go be go swanela go Daniele, go be go swanela go yena gore a phethagatše toko yohle, gore o be a sa rapele modimo yo mongwe, goba a itataganya yenamong le lefase; feela go Modimo a nnoši! Kafao, o nno lahlela morago ditswalelo gomme a lahlela disetše godimo, gomme a bula digaretene, le go lebelela ntle go leba Bohlabela, le go rapela makga a mararo ka letšatši, feela boka ka mehla a dirile. Gobaneng? E sego go ngwega go ya felotsoko le go utama, go e dira, eupša o butše mafastere; a dira e ka ba mang a bone, yoo a nyakago go bona. O be a sa lewe ke dihlong ka bodumedi bja gagwe.

¹³⁹ Ka gore, go a swanela go Mokriste gore o se ke a lewa ke dihlong ka bodumedi bja gago. Bjalo ka Paulo, wa kgale, o rile, “Ka tsela ye e bitšwago bohlanya, bogafa, ke ka tsela ye ke direlago Modimo wa botate.” Le a bona? “Ga ke lewe ke hlong ka Ebangedi ya Jesu Kriste,” o rile, “ka gore ke Maatla a Modimo go ya phološong, go yo mongwe le yo mongwe yo a E dumelago.” Yeo ke nnete, go se lewe ke hlong ka Ebangedi! Ke selo se se swerego ka diiring ge sekepe se kgehlemana gomme naledi ye nngwe le ye

nngwe e tšwele ponagalong, le ngwedi le dinaledi, le madimo a tšutla. E sa swere, ka gore ke Ebangedi ya Jesu Kriste!

Daniele o be a botega. Go be go swanetše go yena.

¹⁴⁰ Bana ba Bahebere, go be go swanetše go bona, go ba swanelia, morago ga ge ba tšere go emela Modimo ga bona. Go be go swanetše go bona. Ba be ba sa tshwenyege ka leuba la mollo. Ka tlase ga meleko ye methata, ba tshwenyegile ka eng? Ba tšere go ema!

¹⁴¹ O Modimo, ge Bakriste ba lehono ba ka kgona feela go bona seo! “Ke tla tšea tsela ya ka le ba ba nyatšiwago ba sego nene ba Morena. Ke thomile ka gare le Jesu, O Morena, tšea, nna go kgabola.” Ka tlase ga teko, mathata, mahloko a pelo, lehu, bolwetshi, manyami, ke tla fela ke lahlela bontši bja ka go Jesu Kriste, go tšea go ema ga ka! “Godimo ga Kriste, Leswika la go tia, ke a ema, mabala a mangwe ohle ke kwenamohlaba.” Se sengwe le se sengwe gape se a nwelela. Mebušo e tla wa, gomme ditšhaba di tla thubega, gomme dikerekemaina di tla šwalalana, gomme baithutamodimo ba tla hwa, eupša Lentšu la Modimo, le tla dula le swana!

¹⁴² Ee, go be go swanetše go bona gore ba tšere kemo ya bona. Gomme go be go ba swanetše, morago ga go tšea go ema, gore ba dule go go ema ga bona.

¹⁴³ Ge o etla mosong wo, o dumela gore Modimo o ya go go fodiša, gomme o tšee go ema ga gago, go go swanetše gore o ka se tsoge wa paka e ka ba eng kgahlanong le yona; goba, o se tle. Yeo ke nnete. Ge o sa ikwele gore Modimo o tla go fodiša, gona dula kgole, o dira feela dikwero go yona.

¹⁴⁴ Ge o ikwela, mosong wo ge pitšo ya aletara e etla, gore, “Ke nyaka go tšea go emela Kriste ga ka.” Ge o ikwela, bala tefo; bala banna ba gago, bona ge eba o kgona go ya ntweng. Bona ge eba o komana. Ge o sa ikwele gore o loketše, o se ke wa tla. Eupša ge Sengwe se go botša, “Le ke letšatši la ka, wo ke mosong wa ka,” gona o tla tla le go dula fale ka mehla! O se ke wa šutha le gatee, go sa kgathalege le ge lehu le lebana le wena, gomme kgudi e phaphamala go ya ka sefahlegong sa gago. O tshwenyegela eng? Ema fao! Ka gore, “Magodimo le lefase di tla feta; Mantšu a Ka a ka se tsoge a palelwa!” O tla dula le Lona.

¹⁴⁵ Ge o re, “Ke dumela Jesu Kriste bjalo ka Mofodiši wa ka. Ke a dumela, mosong wo, gore O ya go fodiša mmele wa ka wa go babja. Se sengwe se mpoditše go tla kerekeng. Ke mo magareng ga badumedi. Ke tšea go ema ga ka, mosong wo. Ke a Le dumela! Ke ya godimo go rapelelwa. Ge ke rapeletswe, fao ka go boemo bjoo ke tla šala! Ga go kgathale e ba leswiswi gakaakang, goba moo go lego, ke tla no fela ke eme go boemo bjoo.” O tšere boemo ka gobane go a go swanelia.

¹⁴⁶ Ka morago ga ge gatee o dirile boipolelo, o swanetše go dula le boipolelo bja gago. Yeo ke nnete. Go a go swanela, bjalo ka Mokriste, bjalo ka modumedi, go dula le phenyego ya gago.

¹⁴⁷ Le se ke la dumelela diabolo go le kgorometša go tloga *mo* le *mola*. Ka mehla le lerageng. Ka mehla le tlogile tseleng kgolo. Ka mehla o ka gare le ka ntle. Gomme yeo ke tsela o ka se dulego felo. O ka se kgone go ba le boitshepo ka go wenamong. Goba, o ka se kgone, ga a gona a ka bago le boitshepo ka go wena. O swanetše go ema! Gomme ge o dirile tšohle o ka kgonago go di dira go ema, gona ema! E no tšwelapele o eme! Yeo ke nnete. Re swanetše go dira seo. Go re swanetše. Go a re swanela, gore re e dire.

¹⁴⁸ Go be go swanetše go Eliya, go swanetše go Eliya moprofeta, gore o dirile go ema ga gagwe go phethagatša Lentšu la Modimo, gobane o tsebile Lentšu la Modimo. Gomme o tsebile gore mopišopomogolo yo, Isebele, le diphapano tšohle tša bona tša dikerekemaina di tsenelana le motlwae wa lefase. Go be go swanetše Eliya, bjalo ka moprofeta, gore o eme. Gomme o eme a nnoši! O rile go Modimo, “Bohle ba ile, eupša nna, gomme ke ema ke nnoši.” Ke bokgole bjoo a tsebilego. Modimo o rile O bile le ba bangwe gape bao ba tšerego kemo ya go swana; mohlomongwe e sego ka go lefelo leo—leo Eliya a bilego, gobane o be a le senepša go setšhaba. Ga se ba hwetše tshwaswalatšo boka a dirile, gobane bohle ba be ba mo thunya thwi, gobane o be a le moprofeta. Eupša go be go swanetše go yena, ka gare ga moleko, ka gare ga tshwaswalatšo, ka gare ga go hloka kgahlego; go be go swanetše go Eliya, bjalo ka moprofeta, go tšeа go ema ga Modimo, le go ema fale.

¹⁴⁹ Go re swanetše go phethagatša toko yohle. Ba bagolo, banna ba maatla, ba swantshapele letšatši le ge mabodumedi a Isebele le dilo a tsoga bjale, dilo tše re nago le tšona lehono, go leka go thopa. Go a swanela go mohlanka wa Modimo, ga go kgathale se e ka ba mang a se boleLAGO goba se se diregago, go ema, gobane go re swanetše gore re dule le Lentšu.

¹⁵⁰ Eliya o tsebile o be a le moprofeta. O bone dipono. Modimo o mo hlatseditše go ba moprofeta. Kafao ga go kgathale ge baena ba gagwe . . . Go be go le masome a dikete; nno lebelelang Baisraele, dimilione tša bona, batho ba ba tteleimilego go dumela go Jehofa, ba bile—ba ikagile bonabeng. Ba be ba bile sebjalebjale, boka ba le lehono. Ba bile ba sebjalebjale. Ba itšimeeditše go Lentšu la Gagwe. Haleluya, eupša go be go mo swanetše, Eliya, gore o phethagaditše toko yohle. Kafao o eme fale, a nnoši, a goelela kgahlanong le mabobe! Ge nkabe ba tšere bophelo bja gagwe, ke eng ka bjona? Go be go mo swanetše, go phethagatša toko yohle. Go be go le bobe ka nageng. Go be go le go hloka kgahlego ka nageng. Go be go le diphošo tša Lengwalo ka nageng. Gomme go be go swanetše go Eliya, go

phethagatša toko yohle, go emela Jehofa; morago Jehofa o emetše Eliya. Amene. Go be go mo swanetše!

¹⁵¹ Abraham. Go be go swanetše Abraham go ikaroganya yenamong go tloga go gosedumele. Go swanetše modumedi e ka ba ofe go ikaroganya wenamong go tloga go gosedumele! Abraham, go be go swanetše go yena go sepela ka nageng ya gagwe mong, yena le Modimo, ba nnoši, gobane o be a le moprofeta. Lefase ga se la ke la kwešiša gore ka baka la eng Abraham a dirile kgetho ye bjalo. Gobaneng a tlogetše legae la gagwe? Gobaneng a tlogetše kereke ya gagwe? Gobaneng a tlogetše batho ba gagwe? Gobaneng a dirile selo sa go tlalelwā bjalo, go diilela ka go naga ya go tlaba moo go sego meetse goba dijо? Gobaneng a ile ka go maganata ale a go se be le selo moo banna ba bego ba se ba be ba ya nako yeo? Eupša go be go mo swanetše, ka gore o be a le moprofeta, go ikaroganya yenamong go tloga go gosedumele gohle, le go sepela a nnoši le Modimo. Modimo o rile, “Ikaroganye wenamong, gomme Ke tla go šegofatša.”

¹⁵² Ge o ikaroganya wenamong go tloga go gosedumele gohle, Modimo o tla go šegofatša. Gomme go swanetše go yo mongwe le yo mongwe wa rena, go sa kgathale tefo, go ikaroganya renabeng go tloga go lefase la gosedumele. “Tšwelang ntle go tloga magareng ga bona, gomme le be ba ba aroganego,” go rialo Modimo, “Ke tla le amogela.” Go re swanetše, bjalo ka banna le basadi ba Modimo, go tsea go ema ga rena ka go iri ye ya leswiswi ye re phelago ka go yona.

¹⁵³ Abraham, go sa kgathale se ka moka ga bona ba se nagannego, o ikarogantše yenamong. Gobaneng? O be a bone Modimo. O bone pono. Pono e be e le therešo, pono ya tla go phethega. O tsebile Modimo o be a na le yena; Abraham, go dira setatamente se sebjalo sa go tlalelwā bjalo ka ge a dirile. Monna wa bogolo bja mengwaga ye lekgolo, gomme mosadimogatša masomesenyane, gomme o be a le moopa gomme o be a sa belegiše, gomme ba be ba eya go ba le lesea ka go lebaka le. Gobaneng, saense ya kalafo ya letšatši leo e ka be e mmiditše mohuta tsoko wa go hlakahlakana. Ba ka be ba mmiditše “segafa.” Eupša go be go swanetše. Haleluya!

¹⁵⁴ Dinako tše dingwe go swanetše go ba go hlakahlakana, ge go le go ya ka Lentšu.

Modimo o boletše le yena, o rile, “Abraham.”

O rile, “Ee, Morena?”

¹⁵⁵ “Ke nna Modimo wa botataweno. Ke nna Modimo wa Bokagosafelego. Ke nna El Shaddai; Ke nna Sefega, Ke nna Letswele, Ke nna Mofi wa Maatla. Ga Ke kgathale gore o tšofetše bjang, Abraham, seo ke eng go Nna? Ga Ke kgathale gore ga o belegiše bjang goba popelo ya gagwe e opafetše bjang, Ke tla go fa morwa.”

Gomme Abraham o rile, “Ke a Go dumela, Modimo.” Haleluya!

¹⁵⁶ Beibele e rile, “Ga se a thekesela go tshepišo ya Modimo, ka gosedumele, eupša o be a tiile, a efa tumišo go Modimo.” Gobaneng? Go be go mo swanetše. O be a bone seatla sa Modimo se sepela, ka maatla.

¹⁵⁷ Oo, Tabarenekele ya Branham, ke mohuta mang wa lentšu re tla le fago ka Letšatši la Kahlolo? Ge, re bone seatla sa Gagwe se maatla. Re bone Maatla a Gagwe. Re šeditše Letago la Gagwe. Re bone se A se boletšego; Lona ga se nke la palelwa. Re bone Motho wa Gagwe, Pilara ye kgolo ya Mollo, Seetša se lekeletše ka kamoreng mo. Re E bone mošola, saense e tšere diswantšo tša Yona, le se sengwe le se sengwe. Le go kwa Molaetša o eya pele, thwi go otloga mothalong, “Ikaroganye wenamong go tloga go bona! O se hlakane le e ka ba eng ya gosedumele!” Go a re swanela, gore re phethagatše toko yohle.

¹⁵⁸ Abraham o ipoletše gore o be a le moeti le mosetsebje. O be a se na le selo go dira; o be a sa tsebe motho lefaseng. O sepetše le Modimo, gobane go be go mo swanetše, gobane o be a Mmone. Go be go swanetše go Abraham. Ge dikgoši tšela tšohle di kopane ntle fale, le a tseba, go mo dira mothaka yo mogolo bogolo; dikgoši tšohle, ka morago ga ge Abraham a ka be a hweditše phenyo ye kgolo ye, ge dikgoši di kopane le yena ntle kua, banešu bohle ba kerekeleina, gomme ba rile, “O a tseba, Abraham, re tla—re tla dira kwano le wena. Re ya go dira *bjalo-le-bjalo*.”

¹⁵⁹ O rile, “Nka se tšee go tšwa go lerala la dieta, go nna; e sego gore o tla re, ‘Ke dirile Abraham se sengwe.’”

¹⁶⁰ Oo, go be go mo swanela, gobane o tsebile (Haleluya) gore Modimo o mo enetše, “Ke tla go fa mogohle o lebelelago: bohlabela, leboa, bodikela, goba borwa.”

¹⁶¹ E dira phapano efe ge eba re na le nikele goba taeme, ge eba re ne se sengwe go ja goba ge eba ga re naso, ge eba re a phela goba re a hwa? Modimo o tshepišitše, “Ba boleta ba tla tšea lefase bjalo ka kabelo.” Go a re swanela, go a re swanela, gore re phele go swana le yona, re dire go swana le yona, e swanetše go phethagatša toko yohle. Modimo o nyaka banna le basadi ba ba tla emago le go phethagatša toko yohle! Nnete, *toko* ke “Lentšu la Gagwe.”

¹⁶² Bjalo ka ge ke boletše mathomong a therò, ke ka baka leo Jesu a ilego a kolobetšwa. Ga go kgathale ka fao go bilego... Ge A telelimile go ba Morwa wa Modimo, ka gona a kolobetšwa, bakeng sa go tlošwa ga dibe? Ga se A be le setee. Eupša O be a swanetše go hlapišwa, gobane O be a le Moprista yo Mogolo. O be a swanetše go phethagatša toko yohle. O rile, “E lese, Johane. Ke a tseba gore o a e tseba. Ke a tseba gore Ke a e tseba. Gomme re tsebana seng. Eupša re tla tlogela seo go ba bjalo, eupša go swanetše go renä.” Amene! Haleluya!

¹⁶³ Gona ke tla tsea tsela le banyatšiwa ba e sego bakae ba Morena! Go ntshwanetše, go le swanetše, bjalo ka bahlanka ba Modimo, gore re tsee tsela le banyatšiwa ba sego bakae ba Morena; gore re sepela bomodimo, ka go loka, bokgethwa, ka go bophelo bjo bja bjale; re beeble thoko boima bjo bongwe le bjo bongwe bjoo bo re nyamišago gabonolo; re lebeletše go Mothomi le Mofetsi wa tumelo ya rena, Jesu Kriste! Amene.

Go be go swanetše go Abraham, ge a sepeletše godimo kua.

¹⁶⁴ Gomme Modimo o mmoditše, “Bjale, tsea mošemane yo monnyane yo. Bjale o lekgolo le (e ka ba) mengwaga ye masomepedi bogolo. Gomme o na le mošemane yo monnyane mo, hlogo ye nnyane ya dikhele. Ke selo se sennyane se sebose. Eupša Ke nyaka o mo tseele godimo kua godimo ga thaba, gomme o mo neele bjalo ka sehlabelo, ka yena Ke ya go dira ditšhaba tše dintši go tšwa go wena.” E ka kgona go ba bjang? Go lebega o ka re Modimo o ile a tshophagana gohle godimo. “Ke ya go tsea, ka Isaka, le go šegofatša lefase ka moka le setšhaba se sengwe le se sengwe, ka yena; eupša Ke go nyaka, o mo tseele, godimo kua gomme o mmolaye. Ka peu ya Isaka . . .” Haleluya! “Ka peu ya Isaka Ke tla šegofatša setšhaba se sengwe le se sengwe ka tlase ga Magodimo, eupša Ke go nyaka o mo tseele godimo kua gomme o mmolae.”

¹⁶⁵ Oo, yola wa go tia, wa go kgwahla, tate wa go tšofala; ka dikgong le mokotla go kgabaganya mokokotlo wa gagwe, a hlahla tonki. Nna! Isaka yo monnyane a sepela pele ga gagwe! “Ga se a thekesela go tshepišo ya Modimo, ka gosedumele.” Go be go mo swanetše!

¹⁶⁶ Ka gore Abraham o rile, ka boyena, “Ke mo amogetše bjalo ka yo motee go tšwa bahung, gomme ke kgodišegile ka botlalo gore Modimo o kgona go mo tsoša gape.” Amene! Go be go swanetše go Abraham, go phethagatša toko yohle. O tsebile se a bego a bolela ka sona. O tsebile Modimo wa gagwe. O tsebile, se Modimo a se boletšego, Modimo o kgona go se dira. Tshepišo ye Modimo a e dirilego, Modimo o kgona go boloka tshepišo ya Gagwe, go sa kgathale. Kafao, go be go swanetše go Abraham gore a phethagatše toko yohle.

¹⁶⁷ Go be go swanetše go barutiwa, ka Pentecost, go ya go kamora yela ya ka godingwana. Gobaneng? Gobaneng go be go swanetše? Gobane ba kopane le Monna; Mmetli, a tsebegago lefaseng, Mosetsebje wa Galelia ka leina le lebe, “hlaba.” Eupša ba bone Monna yola a tsoša bahu. Ba bone Monna yola a bula mahlo a go foufala. Ba be ba kwele Monna yola a rera la go se otswafatšwe, Lentšu la Modimo. Gomme ba tsebile gore O be a le Mesia. Ba bone maswao ohle go Mo dikologa. Ba kwele Modimo a bolela morago go tšwa Magodimong. Ba bone Pilara yela ya Mollo e lekeletše godimo ga Gagwe. Ba tsebile gore O be a le Mesia. Gomme ge A ba boditše, “Go bohlokwa go Nna

gore Ke tloge; eupša Ke nyaka le ye godimo kua toropongkgolo ya Jerusalema, gomme le dule godimo kua. E nong go leta kua.”

“Botelele gakaakang?”

“Go fihlela!”

“Seo se tla ba botelele bjo bokae, Morena?”

¹⁶⁸ “Feela go fihlela! Go fihlela le hlamišwa ka Maatla go tšwa Godimo! Gona le tla ba dihlatse tša Ka.”

“Go tla tšea botelele bjo bokae, Morena?”

¹⁶⁹ “Go moloko *wo*, le go moloko *wola*, le ba bantši ba Morena Modimo wa rena a tlago go ba bitša. Go ya Jerusalema, Judea, Samaria, le go fihla dikarolong tša kgolekgole tša lefase. Eupša, pele le eya, ke nyaka le lete! Ke ya go le direla se sengwe.”

¹⁷⁰ Go be go ba swanetše gore ba ye ka kamoreng ya ka godingwana, gobane ba be ba bone Maatla a Gagwe. Ba a tseba gore O hwile, o hwile. O hwile go hwa gore ebile le ngwedi le dinaledi di hlatseditše O be a hwile, di fihlile sefahlego sa tšona gomme tša se phadime. Lefase le tsebile O be a hwile, go fihla le kgehlemana ka phuhlamo ya megalatšhika. Maswika a ile a kgeba go tšwa mobung, ao a bego a le ka kua go tloga go tshenyego ya pele ga meetsefula. Ba tsebile e be e le Mesia. Ba tsebile gore, Lentšu la Gagwe e be e le, gore O be a swanetše go romela morago Moya wo Mokgethwa. Ba tsebile e be e le tshepišo. Ba tsebile gore ba be ba swanetše go leta godimo kua bakeng sa Wona. Ba Mmone. Ba tsebile O be a hwile; ba tsebile O tsogile. Ba Mmone, kagona ba tsebile se ba bego ba bolela ka sona.

¹⁷¹ Go fihla monna a tseba se a bolelago ka sona, a ka se kgone go bolela kudu. Eupša ge o tseba se o bolelago ka sona! Ge o nagana se ke go thantshelwa, etla o O hwetše gatee, gona o tla tseba se o bolelago ka sona. Ga se go thantshelwa. Ke Maatla a Modimo go ya phološong. Ke Moya wo Mokgethwa. Ke tseba se ke bolelago ka sona. Yo mongwe le yo mongwe, a Mo amogetšego, ba tseba se ba bolelago ka sona.

¹⁷² Go be go swanetše barutiwa, go be go swanetše gore ba boloke Lentšu la Gagwe, go leta godimo ka Jerusalema. Kafao ba ile godimo go leta ka Pentecost, go fihla ba amogetše Moya wo Mokgethwa. Ka gore, gona ba tsebile bodiredi bja bona ga se bo kgone go ya pele go fihla ba amogetše Moya wo Mokgethwa, go bea bohlatse bja Gagwe. Ba tsebile ba be ba se na thušo. Eupša ba ile ba swanela go ba le Bogona bja Gagwe, kafao ba ile go O letela.

Go be go swanetše go Petro, morago ga ge Jesu a kopane le yena.

¹⁷³ Ka go Mareka 16, e rile, “Eyang ka go lefase lohle, gomme le rere Ebangedi. Maswao a a tla latela bona ba ba dumelago. Leineng la Ka ba tla lelekela bodiabolo ntle, ba bolela ka maleme

a maswa, ba swara disephente; ba nwa dilo tše di bolayago, di ka se ba hlokokafatše; ge ba bea diatla tša bona godimo ga balwetši, ba tla welwa ke maruru.”

¹⁷⁴ Go be go swanetše go Mokgethwa Petro, motheadihlapi wa kgale, o be a se ne thuto ya go lekanelo go saena leina la gagwe mong. Eupša letšatši le lengwe ge a be a eya go kgabola kgoro ye Botse yeo Salome a bego a e agile, fao go be go robetše monna yo a bego a golofetše. Matolo a gagwe a be a fokola, dikokoilane, o be a sa kgone go sepela. O be a bile ka tsela yeo. O be a se ne maatla. Monna a ka ba bogolo bja mengwaga ye masomenne, gomme o be a se ne maatla. Eupša ge Petro a kwele komiki e rotla, gomme a lebelela fase gomme a bona monna wa segole a robetše fao, gomme Sengwe se kokotile ka pelong ya gagwe! O be a le ka Pentecost, o be a ne Moya wo Mokgethwa! O be a na le tshepišo ya Jesu, kafao go be go swanetše, go be go mo swanetše, go fihla a rile, “Silibere le gauta ga ke natšo.” O file bopaki bja gagwe, “Ga ke ne silibere le gauta. Eupša, se ke nago le sona, ke tla go fa sona ge o ka kgona go se amogela.”

Ke kgona go eleletša monna a re, “Nka kgona go se amogela.”

¹⁷⁵ O rile, “Gona, ka Leina la Jesu Kriste wa Natsaretha, ema ka maoto a gago gomme o dirwe go fola.” Gomme o obeleditše fase le go mo hwetša, go kwatlisa tumelo ya gagwe, le go mo phagamišetše godimo ka mokgwa woo; gomme marapo a dikokoilane tša gagwe a amogetše maatla, gomme o ile, a taboga, a tumiša le go tagafatša Modimo.

¹⁷⁶ Go be go mo swanetše go e dira, go be go mo swanetše. O be a swanetše go be a e dirile, gobane o be a le morutiwa yo a tloditšwego. O be a na le Jesu. Lefase ka moka le tsebile, letšatši pele, ka go Kgorotsheko ya Sanhedrin, ge ba bile le yena ba kgobokane, yena le Johane, bobedi bja bona, ba hloka tsebo le go se rutege; ba tsebile gore ba be ba na le Jesu, ka baka la gore ba kwele ka tsela ye ba bego ba bolela, sebete se ba bego ba na le sona. Ba tsebile gore se sengwe se be se diregile go bona. Gomme Petro o tsebile seo. Kafao go be go swanetše Petro, go be go mo swanetše ka gore o be a ne tshepišo ya Modimo bakeng sa letšatši lela.

¹⁷⁷ “Ke tla le fa Maatla. Ke tla le fa Maatla. Le tla gata godimo ga dihlogo tša disephente le maškišiki. E ka ba eng le e kgopelago Leineng la Ka, seo Ke tla se dira. Ge o ka re go thaba ye, ‘šuthišwa,’ gomme wa se ke wa e kamaka ka pelong ya gago, eupša wa dumela gore se o se boletšego se tla tla go phethega, o ka kgona go ba le se o se boletšego.”

¹⁷⁸ Go swanetše go Petro gona go Le dumela. Go a mo swanela. Seo ke se a swanetšego go se dira, gobane o tsebile o be a phela ka letšatšing la thomo yeo. Seo e be e le Seetša sa iri. Tsogo e be e sa tšwa go tla, Moya wo Mokgethwa o be o le fao. Go be go mo swanetše.

¹⁷⁹ Go be go swanetše go Mokgethwa Paulo; morago ga go ba moswaswalatši. Gomme tseleng ya gagwe go theogela Damaseko, letšatši le lengwe fale, Pilara yela ya Mollo yeo e etilegopele Israele go tšwa Egepeta go ya ka nageng ya tshepišo, yeo e dirilwego nama le go dula magareng ga bona le go boela morago go Modimo, e boletše le yena. Gomme o maketše, “Yo a ka kgona bjang go ba Jehofa? E ka kgona go ba bjang? Gomme šole Yena, ka go Pilara ya Mollo ya go swana, o lekeletše kua.” “Morena, ke Wena mang yo ke mo hlomerego?”

¹⁸⁰ O rile, “Ke nna Jesu.” Oo, nna! O mo romile, a mo fa bodiredi bja gagwe. O romile Paulo, a mo fa bodiredi bja gagwe.

¹⁸¹ Paulo o be a le ka Bogoneng bja Modimo, o bone Pilara ya Mollo. O bone Jesu yola yoo a kilego a ba Pilara ya Mollo, morago a dirwa nama le go dula magareng ga rena, le go boela morago go Pilara ya Mollo, le go mo roma go bodiredi bja gagwe. Haleluya! Ga se gona se yago go mo šikinya. Go be go mo swanetše, ge ba tšere disakatuku go tšwa mmeleng wa gagwe le go romela go balwetši. Go be go mo swanetše, gobane o tsebile o be a le moapostola yo a tloditswego. O bone dipono tša Modimo, gomme Modimo o bonagetše pele ga gagwe gomme o boletše, gomme o e bone e direga feela tlwa. Ka baka la eng, go be go swanetše go Paulo, gore ge a leka go thuša batho, go phethagatša Lentšu le a le romilwego. O be a le Seetša sa letšatši. O be a le Seetša go Bantle. O e tsebile. Modimo o mo romile go ba. O be a le Seetša ka letšatšing lela. Kafao, O be a romilwe go Paulo.

¹⁸² Bjale go re swanetše, go re swanetše ka go letšatši le. Re a tseba! Re sa tšwa go kgabola Mabaka a Kereke. Re a tseba gore re amogetše Moya wo Mokgethwa, re tseba seo ka godimo ga moriti wa pelaelo. Re a tseba re na le Seetša sa Ebangedi.

¹⁸³ “Sokologang, yo mongwe le yo mongwe wa lena, gomme le kolobetšweng Leineng la Jesu Kriste, bakeng sa go tlošwa ga dibe tša lena, gomme le tla amogela neo ya Moya wo Mokgethwa.” Ga go banna ba baruti lefaseng, goba ga go selo gape, se ka kgonago go emelana le Woo. Se se swanetše go dirwa bokgole bjo bokae? “Tshepišo ke ya bana ba lena, go bona ba ba lego kgole, ebile le ba bantši ba Morena Modimo wa rena a tlago go ba bitša.”

¹⁸⁴ Moprefeta o rile, “Go tla ba Seetša nakong ya mantšiboa, Dietša tše tša Ebangedi di tla retologela morago gape.” Go swana le letšatši le le swanago le hlabla ka Bohlabela gomme le dikela ka Bodikela, Se tla bowa gape ka matsatšing a mafelelo. Ke rena ba ka matsatšing a mafelelo!

¹⁸⁵ Re amogetše Moya wo Mokgethwa. Re tseba seo. Re boletše ka maleme boka ba dirile ka Pentecost. Gomme re a tseba le ka O amogela.

¹⁸⁶ Re a tseba gore morongwa wa bošupa o file Molaetša. Re O bona o hlatselwa, leswao.

¹⁸⁷ Re a tseba re bofelong bja Lebaka la Laodikia. Re tseba gore go katana ga setšhaba, maswao le matete, a tšwelela mogohle. Re a tseba gore re mo nakong ya bofelo.

¹⁸⁸ Modimo o bea bohlatsé! Gomme go a re swanela, go a re swanela gore re phethagatše toko yohle. “Ditšhaba kgahlanong le ditšhaba, dinako tše thata, go tlalelwa,” dilo tšohle tše re di kwelego. Ge o ka O amogela!

¹⁸⁹ Bjale re mo iring ya mafelelo. Re ka go Lebaka la Kereke ya Laodikia. Motseta yo mongwe le yo mongwe o file lebaka la gagwe, o file Molaetša wa gagwe ka go lebaka la gagwe. Gomme re mo mafelelong a lebaka, gomme re a bona gore Modimo o le hlatsetše ka maswao le dimaka. Gomme ga go yo a ka rego ga go bjalo.

¹⁹⁰ O fa bjale! O ka Kerekeng! O ka go batho. Ga a gona a ka rego ga go bjalo. Re a tseba gore O fa.

¹⁹¹ Gomme go a re swanela go tše Lentšu la Gagwe. Rena, go a re swanela go dumela toko yohle. Go a re swanela. Go a re swanela gore re phethagatše se sengwe le se sengwe A boletšego ka sona.

¹⁹² Kereke e a fokola, dikereke tša lehono. Re kgaogane ka go phapano ya mokgatlo, karogano ya bongwanešu; Methodist, Baptist, Presbyterian, Oneness, Threeness, Fiveness, mehuta yohle ya dilo. Re kgaogane. Yeo ke tsela ye e swanetšego go ba. E swanetše go ba ka tsela yeo.

¹⁹³ Gona go tla tla Molaetša! Oo, Haleluya! Re a tseba gore ke Pilara ya Mollo ya go swana yeo e etilegopele Israele. Re a tseba gore bodiredi bja go swana bjo bo felegeditšego Jesu Kriste, ka Pilara yela ya Mollo ye e Mo tloditšego, bo felegetša Kereke lehono. Saense e e netefaditše; ga re hloke yeo. Modimo o e netefaditše! Re hloka bodiredi bja Jesu Kriste go swanela Letlapahlogo lela le tlago mošola, leo le tlišitšego Kereke ka lefelong moo bodiredi bo lego tlwa boka bo bile ge Jesu a tlogile. Tlwa!

Ditšhaba di a thubega, Israele e a tsoga,
Maswao ao bahlalefi ba a boleletšego pele;
Matšatši a Bantle a badilwe, ka megoma e
šitišwe;
“Boang, O bašwalalanywa, gabon lena beng.”

¹⁹⁴ Re ka matšatšing a mafelelo. Gomme go a re swanela, go a re swanela gore re phethagatše toko yohle.

¹⁹⁵ Elelwang, Jesu o rile, “Bjalo ka ge go bile ka matšatšing a Loto, kafao go tla ba ka go Tleng ga Morwa wa motho.” Ke ba bakae ba elelwago seo? [Phuthego e re, “Amene.”—Mor.] Go lokile. E be e le eng ka matšatšing a Loto? O file leswao lefe?

¹⁹⁶ Go be go le magoro a mararo a batho ka matšatšing a Loto. A yeo e be e le nnete? [Phuthego e re, “Amene.”—Mor.] Go be go le

mosedumele, moitiramodumedi, le modumedi. Yo mongwe le yo mongwe wa bona o amogetše motseta. Yeo ke nnete. Ge Abraham a be a dutše ka tlase ga mouko wa gagwe, go diragetše eng? Lebelelang se se diregilego.

¹⁹⁷ Go bile le Morongwa o tlide tlase gomme o ile tlase ka Sodoma. Monna yo o ile tlase kua gomme a ruta tshokologo go bona, gore ba swanetše go sokologa le go retologela go Modimo. Go diregile eng? Ba bararo feels ba tšwetše ntle, Loto le barwedi ba gagwe ba babedi. Mosadimogatša wa gagwe o fetogile pilara ya letswai. Ke feels ba bararo ba tlilego ntle, ge go be go le Billy Graham wa sebjalebjale yo a thunyeditšeego molaetše tlase ka kua go bona.

¹⁹⁸ Gomme re bona seo se direga lehono. Re a bona, go kereke ya mehleng, re bona motseta a eya pele, a rera.

¹⁹⁹ Gomme go bile le Yena Yo a tlilego go Abraham le Kereke ye e hlaotšwego. O ba file leswao. Gomme re a tseba yeo ke therešo. Re a tseba ke ntlha. O dutše ka mokokotlo wa Gagwe o furaletše tente, o boditše Sarah o be a le mang, se se bego se le pelong ya gagwe, bothata bja gagwe e be e le eng. O fa molaetše, tlwa. Abraham o tsebile yoo e be e le Modimo. Ka gore, ka pela ka morago ga ge A boletše bjalo, o Mmiditše, “Elohim,” Motseta, a bopegile ka nameng ya motho, go tliša Molaetše go Sodoma le Gomora.

²⁰⁰ Gomme ge re bona dilo tše Jesu a di boletšeego di tla tla go phethega, go re swanetše gore re phethagatše toko yohle. Go re swanetše gore re tše Modimo Lentšung la Gagwe. A le dumela seo? [Phuthego e re, “Amene.”—Mor.] Kagona e lese e be bjalo bjale.

²⁰¹ “Ngwanešu Branham, o—o—o tšwele taolong le ka moka, dikerekemaina.”

²⁰² Go ka no ba bjalo. Lesa seo go ba bjalo bjale. Yeo ke nnete, lesa seo go ba bjalo.

²⁰³ “Gabotse, o tla ba bokaonana kudu ge o ka ya pele le go dirišana.”

²⁰⁴ Lesa seo go ba bjalo bjale, seo. Eupša ka fao go re swanetše. Re batho ba Gagwe, baprofeta ba Gagwe, dihlalefi tša Gagwe. Go re swanetše gore re phethagatše toko yohle. Kafao, a re direng seo, ge re inamiša dihlogo tša rena.

Ditšhaba di a thubega, Israele e a tsoga,
 Maswao ao Beibele e a boleletše gopele;
 Matšatši a bantle a badilwe, ka megoma e
 šitištšwe;
 “Boang, O bašwalalanywa, gabu lena beng.”

Letšatši la topollo le kgaušwi,
 Dipelo tša batho di palelwa ka letšhogo;
 Tlatšwang ka Moya, mabone a lena a gotetše le
 go bonagatša,
 Lebelelang godimo, topollo ya lena e kgaušwi!
 Baprofeta ba maaka ba a aketša, ba gana
 Therešo ya Modimo,
 Gore Jesu Kriste ke Modimo wa rena, (Seo ke
 therešo bjang; oo, makgolo!)
 Eupša re tla sepela moo baapostola ba gatilego.
 Ka gore letšatši la topollo le kgaušwi,
 Dipelo tša batho di palelwa ka letšhogo;
 Tlatšwang ka Moya, ebang le mabone a lena a
 goteditšwe le go bonala,
 Lebelelang godimo, topollo ya lena e kgaušwi!

²⁰⁵ Ge le sa na le dihlogo tša lena di inamišitšwe, a go a go swanelo, mosong wo, gore o neele bophelo bja gago go Kriste? A O boletše le wena? Ge go le bjalo, e no phagamišetša seatla sa gago go Yena, gomme o re, “Bjale ke amogela Kriste. Go a ntshwanelo gore ke neela ya ka yohle, thato ya ka, mosong wo, go Yena. Bjale ke phagamiša seatla sa ka le go re, ‘Morena Jesu, eba kgaogelo.’ Ke a Go hloka, oo, ke Go hloka bjang! Iri ye nngwe le ye nngwe, ke a Go hloka.” Modimo a go šegofatše. “Oo, Mošegofatšwa Mophološi, ke tla go Wena.”

Ke a Go hloka, oo, ke a Go hloka;
 Go ka reng ge o be o robetše moo mme a robetšego bjale?
 Iri ye nngwe le ye nngwe ke a Go hloka!
 Oo, ntšhegofatše bjale, Mophološi wa ka,
 Ke tla go Wena!

[Ngwanešu Branham o a hama—Mor.]

(O Morena, re a Go hloka;)
 Iri ye nngwe le ye nngwe ke a Go hloka!
 Oo, ntšhegofatše bjale,

Morena, ke a Go hloka bjale go feta ke nago nakong ye telele.

Eupša ke tla go Wena!

²⁰⁶ [Ngwanešu Branham o thoma go hama, *Ke Go Hloka Iri Ye Nngwe le ye Nngwe—Mor.*]

²⁰⁷ Tate wa Magodimong, tlase go kgabola meedi re a sepela, re tseba gore O tshepišitše, “Nka se go tlogele, ebile Nka se go lahle. Nyakang pele Mmušo wa Modimo, le toko ya Gagwe, dilo tše dingwe tšohle di tla oketšwa go lena.”

Kafao ke tla go Wena!

²⁰⁸ Ge go ka ba e ka ba ofe fa, Morena, yo a sa lokago soulong ya bona; ge ba be ba etla go theoga mohlala wola woo, mme wa ka a

lego thwi go wona mo motsotsong wo, O Morena, a nke ba be le bopaki bjola, le bona. Go re swanetše lehono, Morena.

²⁰⁹ Re mo bofelong bja tselā, Lebaka la Kereke ya Laodikia; Molaetša; go gana Molaetša; go hlatselwa ga Molaetša; le Bogona bja Kriste go netefatša O a swana, maabane ka matšatšing a Loto, le ka matšatšing a nama ya Gagwe, le ka matšatšing a lehono; maabane, lehono, le go ya go ile.

²¹⁰ A nke ba Go amogelete bjale bjalo ka Mophološi mošegofatšwa wa bona. E fe, Morena. Ke kgopela Leineng la Jesu.

Oo, ntšhegofatše bjale, Mophološi wa ka,
Ke tla go Wena!

Morena yo bohlokwa kudu,
Meleko e lahlegelwa ke maatla a yona,
Therešo, Morena, ge O le kgauswi.

Ke a Go hloka, oo, ke a Go hloka!

²¹¹ Ge O mo tšere Morena, khutšiša soulo ya gagwe ye bohlokwa ka Legodimong. E fe. E fe, Morena.

Mophološi wa ka, Ke tla go Wena!

²¹² Tate, Modimo, re kwe. Go re swanetše gore re phethagatše toko yohle fa. Re tseba se Lentšu le se bolelago. Ga re leswiswing. Re tseba se Lentšu le se tshepišitše. Re thuše, O Morena, gore re phethagatše toko yohle. Phethagatša Lentšu la Gago. A nke modumedi yo mongwe le yo mongwe fa a be le tumelo bjale, ge re etla go balwetši. Rena bohole re rata go phela, Morena; eupša sa pele ke go hwetša Bophelo bjo Bosafelego, bakeng sa lefase lela leo le tlago. Re kwe, Tate, ge phuthego e rapela, gagolo balwetši le batlaišwa e ka ba bomang.

²¹³ Ke a makala, e ka ba mang, ge eba go ne basetsebje e ka ba bomang le rena, bao ba sa nkago ba ba ka tabarenekeleng pele, gomme o a babja, gomme o lebeletše go Modimo bakeng sa thušo? Ka dihlogo tša lena di inamišitšwe, lena bohole. A o ka phagamiša seatla sa gago, lena batho bao le lego basetsebje go nna, bao le sa ntsebego goba ga ke le tsebe, gomme le tlile go Kriste bjale bakeng sa thušo. E no phagamišetša seatla sa gago godimo. Le a bona? Modimo a go šegofatše, wena, le wena. Go na le ba mmalwa.

²¹⁴ O swanetše feela go dumela. Molaetša wo ga se wa lefeela, ke Lentšu la Modimo.

²¹⁵ Bonang mohumagadi . . . Ka dihlogo tša lena di inamišitšwe. O šetše a swere seatla sa gagwe. O tlaišega ka bothata bja pelo. Ke yena Mdi. Nance. O tšwa Madisonville, Kentucky. Yeo ke nnete. A ga se yona, mohumagadi? O ka kgona go phagamiša hlogo ya gago ge o nyaka. O bile le seatla sa gago godimo, gomme wa no se boloka godimo. Yeo ke therešo, a e be e se yona? Ge e le yona, phagamiša seatla sa gago. Le bona moo re phelago, bagwera? [Phuthego e re, "Ee."—Mor.] Ga ke tsebe mohumagadi

yola. Ga se nke ka ke ka mmona. Eupša ke eng? Ke leswao la Ebangedi. Gore o ke o . . .

²¹⁶ A o ntumela go ba moprefeta wa Gagwe, mohumagadi? O a dira? Efela, re basetsebane. Ga ke go tsebe. Leina leo le be le nepile, a le be le se? Ge eba go be go lokile, e ka ba eng A go boditšego, nno—nno šikinya diatla tša gago go batheeletši, gore ba kgone go bona gore seo e be e le therešo. [Phuthego e a hlalala—Mor.]

²¹⁷ Ke eng e ka dirago seo? Jesu wa Natsaretha. Gore le ke le tsebe gore ke nna moprefeta wa Modimo, le go le botša Therešo, ka gore kagona go a re swanela. Mosadi o kgwathile kobo ya Gagwe, gomme O retologile le go mmotša, ya gagwe “taba ya madi,” gomme o rile e eme.

²¹⁸ Mohumagadi a dutšego kgauswi le wena, le yena o na le bothata bja pelo, le yena. Yeo ke nnete. Ya. Ga ke mo tsebe. O a tseba ga ke, mme. Eupša Modimo o a mo tseba. O tseba bothata bja gagwe, a ga A? Mdi. Allen, a o a dumela gore Modimo a ka kgona go go dira o loke? [Mosadi o re, “Ee.”—Mor.] Ge leo e le leina la gago le bothata bja gago, emišetša seatla sa gago godimo. Emišetša seatla sa gago godimo, ge seo e le therešo. [Phuthego e a hlalala.]

²¹⁹ Mohumagadi yo a dutšego kgauswi le wena fao. Ke ra Mdi. Bennett. Bohle le tšwa lefelong le le swanago. O ne bothata bja pshio sebakeng sa bothata bja pelo. O dumela ka pelo ya gago yohle, o ka fodišwa, le wena. A o a e dira, mohumagadi? Phagamišetša seatla sa gago godimo, gomme o re, “Ke tla e amogela,” gona o ka kgona go ya gae gomme wa fola. Ge o ka kgona go dumela! Lena bohle le tlase ka Kentucky, toropokgolo ye e bitšwago Madisonville.

²²⁰ O dutše thwi morago kua, mohumagadi, Mdi. Bone. O kgauswi le Madisonville. Ga a dule thwi ka Madisonville, o ntebeletše thwi. Gomme šole Morongwa yola o eme thwi godimo ga gagwe. O no dula kgauswi le Madisonville. Leina la gagwe ke Bone; bothata bja saenase, seemo sa asma, go kgohlola. Ge yeo e le nnete, šikinya seatla sa gago morago le pele, mohumagadi. Dumela go Morena Jesu Kriste, gomme o ye gae gomme o fole.

²²¹ Bothata bja mogolo, mohlomphegi. A o a dumela gore Modimo a ka kgona go fodišwa bothata bja mogolo le go go dira o loke? Fodišwa! E no ba le tumelo ka go Modimo.

²²² Moh. Hopkins, mohumagadi wa lekhilate go tšwa Chicago. Ga ke go tsebe, ga se nke ka ke ka go bona bophelong bja ka. Eupša o nyaka go fodišwa letšhogo leo, bothata bja disaenase? Sepela, dumela, gomme o ka kgona go fola, le wena.

²²³ Mdi. Hanes go tšwa Columbus, Ohio. O dumela go Morena Jesu Kriste, o ka kgona go ya gae le go fola, le wena.

²²⁴ Re mo tseleng ya bofelo. A le a dumela? [Phuthego e re, “Amene!”—Mor.] Go a re swanela go phethagatša toko yohle. O tshepišitše dilo tše di tla ba. Re fa. A le a e dumela? [“Amene!”]

²²⁵ Gabotse, beang diatla tša lena go lena seng. Ke nyaka go le botšiša potšišo. A Jesu o tshepišitše dilo tše di tla ba ka matšatšing a mafelelo? E reng, “Amene.” [Phuthego e re, “Amene.”—Mor.] “Bjalo ka ge go bile ka matšatšing a Loto. Mediro ye Ke e dirago, le tla e dira, le lena.” A gape O boletše se, “Maswao a a tla latela bona ba ba dumelago. Ge ba Bea diatla tša bona go balwetši, ba tla welwa ke maruru”? [“Amene.”] A o loketše go tšea go ema ga gago, modumedi? [“Amene.”] Ka gore go re swanetše gore re phethagatše toko yohle.

²²⁶ Ke toko ya Modimo, gore ge disakatuku tše mo (ke Bea diatla tša ka godimo, Leineng la Jesu) di a go kgwatha; Ke a tseba Moya wo Mokgethwa o fa, Yena wa go swana yoo a bilego le Paulo. “Ba tšere go tšwa go Paulo . . .” Kafao le tla fodišwa, ge le ka no e dumela.

²²⁷ Ke dumela Moya wo Mokgethwa wa go swana, Moya wo Mokgethwa wa Beibele, o fa mosong wo, o inetefatša Yenamong, Molaetsa wa matšatši a mafelelo, Moya wo Mokgethwa wo mogolo Yenamong, o ikekisa Yenamong, o tla ka nameng ya motho, o dira mediro ya Gagwe.

²²⁸ Ke eme mosong wo, ka tlase ga bothata. Le tseba feela ka ga se ke lokelago go se kwa ge ke tloga fa. Eupša go a re swanela gore toko yohle e phethagatše.

²²⁹ Modimo o beile Molaetsa pelong ya ka. Bjale go a go swanela, bjalo ka modumedi, gore o dumele. Ge le sa na le, diatla tša lena godimo ga yo motee go yo mongwe, go ka se be motho yo a babjago magareng ga rena, ge o ka no dumela seo ka pelo ya gago yohle, wa ba komana go tšea go ema ga gago.

²³⁰ Bjale, Tate wa Legodimong, re tliša go Wena batheeletši ba, ka morago ga Molaetsa wo. Morena Modimo, ka nnete batho ba kgona go bona bjale gore go a re swanela. Go a swanela go mroprefa, go ema godimo ga Lentšu. Go a swanela go moleloko wa kereke, go a swanela go bona gore ba a ema. Go a swanela go batho ba go babja, go dumela Lentšu la Jesu Kriste, ge A rile, “Maswao a a tla latela bona bao ba dumelago. Ge ba Bea diatla tša bona go balwetši, ba tla welwa ke maruru.”

²³¹ Ke be ke eya go bitša mothalo wola wa thapelo, Morena. Eupša molaetsa wo o sa tšwago go tla go nna, ka mogala, o ntšhikintše, Tate. O Modimo, Lentšu la Gago le re, “Go a re swanela gore re phethagatše toko yohle.” Šeba fa, yo mongwe le yo mongwe.

²³² Moya wo Mokgethwa o fa go netefatša gore O magareng ga rena. Bjale a nke Maatla a Modimo, a nke bohlatsa bja Moya wo Mokgethwa, bo sepelele ka dipelong tša batho ba feela bjale, go ba fa netefatšo; boka Daniele a bile, boka Noage a bile, boka

Henoge a bile, boka Johane a bile, boka Petro a bile, boka Paulo a bile, boka Jesu a bile, boka Abraham a bile, boka bohle ba bona ba bile, Morena. Gore, go a re swanela ka go lebaka le, moo maatla a phodišo Makgethwa a tšhologilego ntle, maswao le dimaka di a dirwa, go tsogologa go gogolo go tlie magareng ga batho, Moya wo Mokgethwa o rothetše magareng ga batho. Ba goeleditše, ba boletše ka maleme, ba profetile, dimpho tše kgolo, le maswao le matete. Morongwa wa Molaetša, Morongwa wa lebaka o bonagetše go rena ka sebopego sa Moya wo Mokgethwa, gomme O re tlišetša Molaetša. Re O bona o phethagatšwa. Re Mmona a tše mebele ya rena le go re fetola go tloga go batho ba go hwa, go ya ka go baemedi ba Modimo, go bolela pele maswao a magolo a sephiri le matete. Ge re bona dilo tše, gona go re swanetše gore re phethagatše toko yohle.

²³³ Ge re tseba gore Abraham o lebeletše morago go Loto, gore ge Daniele a kgonne go lebelela go Abraham, gore ge Johane a kgonne go lebelela go Daniele, (O Modimo!) gore ge Petro le Johane ba kgonne go lebelela go Jesu. Gomme ge re ka kcona go lebelela go bona, gomme lehono re bona dipelo tša go swana magareng ga rena, gona go re swanetše gore re phethagatše toko yohle.

²³⁴ A nke Maatla a Jesu Kriste a khuriše moago wo, ka tumelo Kgethwa, le go fodiša motho yo mongwe le yo mongwe ka fa, wa tlaišo ye nngwe le ye nngwe le bolwetši bjo bongwe le bjo bongwe, Morena. Gomme, bjalo ka mohlanka wa Gago, ke batamela diabolo yo yoo a kgoromeeditšwego go nna mosong ohle, yo a lekilego go ntira go tšwela ka ntle ga phuluphithi ye! Ka mogau wa Modimo, ke dutše mo, bakeng sa ba go diila, balwetši goba—goba batlaišegi ba ba hwago ba Modimo.

²³⁵ Tšwela ka ntle ga bona, Sathane, wena diabolo! Ke a go batamela, ka Jesu Kriste Modimo wa go phela, gore o tloge go batho ba, le go se sa ba tshwenya gape, gobane ba ema boka bana ba Bahebere mo iring ya moleko, go tše kemo ya bona, le go fodišwa go tloga iring ye go ya pele. Ka la Jesu Kriste Leina, ke batamela bolwetši le bodiabolo ba phuthego ye, bao ba tliego go babjiša batho ba, go tloga go bona!

²³⁶ Ka dihlogo tša rena di inamišitšwe, dipelo tša rena go Modimo, ke ya go opela pina. Ke ya go e leka, ka thušo ya lena le thušo ya Modimo. *Tumelo Ya Ka E Lebelela Godimo Go Wena*. Ga ke nyake le belaele, nthathana e tee, eupša ke nyaka le dumele bjale. Go re swanetše. Ke Bakriste ba bakae ba lego ka fa? Phagamišang diatla tša lena, gomme le re, “Amene.” [Phuthego e re, “Amene!”—Mor.] Ke badumedi ba bakae? E reng, “Amene.” [“Amene!”] Ke ba bakae ba beilego diatla tša lena godimo ga ba bangwe? E reng, “Amene.” [“Amene!”] Gona go re swanetše gore re phethagatše toko yohle.

Tumelo ya ka e lebelela godimo go Wena,
 Wena Kwana ya Khalibari,
 Mophološi mokgethwa;
 Bjale nkwe ge ke rapela,
 Tšeа molato wa ka wohle... (Bjale, *sebe* ke
 “gosedumele”)
 O ntumelele go tloga letšatši le
 Go ba wa Gago ka moka!
 Ge ke gata tsela leswiswi ya bophelo,
 Gomme manyami go ntokologa a alega,
 (Modimo, eba Mohlahli wa ka bjale!)
 Wena eba Mohlahli wa ka;
 Laela leswiswi go fetoga mosegare,
 Phumula megokgo ya boholoko go tloga,
 Goba o se tsoge wa ntumelela go hlahlatha go
 tloga go Wena go ya thoko.

²³⁷ Ka dihlogo tša rena di inamišitšwe. Mme yola wa kgale wa morategi o fetile ge e sa le ke be ke rera, a nke segalontšu sa ka se dira malewaneng tlase go kgabola maope a magolo a Legodimo.

²³⁸ Ge a mpoditše, letšatši le lengwe, o rile, “Billy, o mphepile. O lefile rente ya ka le sekoloto sa ka sa mabone, wa mpha se sengwe go ja.” O rile, “Hani, ge o be o le mošemane yo monnyane, ke tšwetše ntle ka boso le go rema dikgong, go go dirile mollo go go boloka o ruthetše. Gomme ke go apeetše, se re bilego le sona ka ntlong, go apea.” Go mmona a robetše fale, le tšona diatla tše nnyane tša kgale tša go fokola tšeо di hlatswitšego diaparo tša rena tša ditšhila. O ema o se na thušo, ga go selo nka kgonago go se dira.

²³⁹ Ke rile, “Mama, ka diatleng tša Modimo yo a phelago, ke neela soulo ya gago ya go loka.”

²⁴⁰ Ge a sepetsé ge e sa le go tloga nako yela; bohole ba bona ba tlogile, banešu ba ka ke bohole ba šetšego. Molaetša mo godimo ga phuluphiithi o be o befile gabotse. Ge a ile pele, Modimo khutsiša soulo ya gagwe. Ge a sa na le rena, gomme le rena go fihla bošegong bjo, ka mogau wa Modimo ke tla ba mo phuluphithing go phethagatša mošomo wa ka, gobane go ntshwanetše gore ke phethagatše toko yohle.

²⁴¹ Bjalo ka ge ke hwetša, ke tla bušetša tirelo go Ngwanešu Neville, modiša modirišani wa ka wa go šegofala.



Go A Re SWANELA GO PHETHAGATŠA TOKO YOHLE NST61-1001M
(It Becometh Us To Fulfil All Righteousness)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Oktobere 1, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org